

外科

正體類要上下二卷
口齒類要一卷

薛氏醫酉按

正體類要上

薛氏醫按

吳郡

新都

正體主治大法

一脇肋脹痛若大便通和喘咳吐痰者肝火侮肺也用小柴胡湯加青皮山梔清之若胸腹脹痛大便不通喘咳吐血者瘀血停滯也用當歸導滯散通之內經云肝藏血脾統血蓋肝屬木生火侮土肝火既熾肝血必傷脾氣必虛宜先清肝養血則瘀血不致凝滯肌血不致遍潰次壯脾健胃則瘀血易潰新肉易生若行剋伐則虛者益虛滯者益滯禍不旋踵矣

一肚腹作痛或大便不通按之痛甚瘀血在內也用加味承氣湯下之既下而痛不止按之仍痛瘀血未盡也用加味四物湯

補而行之若腹痛按之不痛血氣傷也用四物湯加參芪白朮
補而和之若下而胸脇反痛肝血傷也用四君考歸補之既下
而發熱陰血傷也用四物參朮補之既下而惡寒陽氣傷也用
十全大補湯補之既下而惡寒發熱氣血俱傷也用八珍湯補
之既下而欲嘔胃氣傷也用六君當歸補之既下而泄瀉脾腎
傷也用六君肉果破故紙補之若下後手足俱冷昏憤出汗陽
氣虛寒也急用參附湯吐瀉手足俱冷指甲青者脾腎虛寒之
甚也急用大劑參附湯口噤手撒遺尿痰盛唇青體冷者虛極
之壞症也急投大劑參附湯多有得生者

一肌肉間作痛營衛之氣滯也用復元通氣散筋骨作痛肝腎
之氣傷也用六味地黃丸內傷下血作痛脾胃之氣虛也用補
中益氣湯外傷出血作痛脾肺之氣虛也用八珍湯大凡下血

不止脾胃之氣脫也吐瀉不食脾胃之氣敗也苟預爲調補脾胃則無此患矣

一作痛若痛至四五日不減或至一二日方痛欲作膿也用托裏散若以指按下復起膿已成也刺去其膿痛自止若頭痛時作時止氣血虛也痛而兼眩屬痰也當生肝血補膽氣

一青腫不消用補中益氣湯以補氣腫黯不消用加味逍遙散以散血若炊腫脹痛瘀血作膿也以八珍湯加白芷托之若膿潰而反痛氣血虛也以十全大補湯補之若骨髀接而復脫肝腎虛也用地黃丸腫不消青不退氣血虛也內用八珍湯外用葱熨法則瘀血自散腫痛自消若行血破血則脾胃愈虛運氣愈滯若敷貼涼藥則瘀血益凝內腐益深致難收拾一發熱若出血過多或膿潰之後脉洪大而虛重按全無此陰虛發熱也

用當歸補血湯脉沉微按之軟弱此陰氣發躁也用四君薑附
若發熱煩躁肉瞤筋惕亡血也用聖愈湯如汗不止血脫也用
獨參湯其血脫脉實汗後脉躁者難治細小者易治外臺秘要
云陰盛發躁欲坐井中用附子四逆湯加葱白王太僕先生云
凡熱來復去晝見夜伏夜見晝伏不時而動者名曰無火此無根之虛火也
一作嘔若因痛甚或因剋伐而傷胃者用四君當歸半夏生薑
或因忿怒而肝傷者用小柴胡湯加山梔茯苓若因痰火盛用
二陳薑炒黃連山梔若因胃氣虛用補中益氣湯生薑半夏若
出血過多或因潰後用六君子湯加當歸
一喘咳若出血過多面黑胸脹或胸膈痛而發喘者乃氣虛血
乘於肺也急用二味參蘓飲若咳血衄者氣乃氣逆血蘊於肺
也急用十味參蘓飲加山梔仁連蘓木

作渴若因出血過多用四物參朮湯不應用人參黃芪以補
不當歸熟地以養血若因潰後用八珍湯若胃熱傷津液用竹
葉黃芪湯胃虛津液不足用補中益氣湯胃火熾盛用竹葉石
斛湯若煩熱作渴小便淋瀝乃腎經虛熱非地黃丸不能救
出血若患處或諸竅出者肝火熾盛血熱錯經而妄行也用
川味逍遙散清熱養血若中氣虛弱血無所附而妄行用加味
四君子湯補益中氣或元氣內脫不能攝血用獨參湯加炮薑
以回陽如不應急加附子或血蘊於內而嘔血用四物加柴胡
吳芩凡傷損勞碌怒氣肚腹脹悶誤服大黃等藥傷經絡則爲
二血衄血便血尿血傷陰絡則爲血積血塊肌肉青黯此臟腑
虧損經隧失職急補脾肺亦有生者但患者不悟此理不用此
公惜哉

一手足損傷若元氣虛弱或不戒房勞或妄行攻伐致死肉上
延或腐而不痛黑而不脫者當大補元氣庶可保生若手足節
際斷去者無妨骨斷筋連不急剪去若侵及好肉則不治若預
爲調補脾氣則無此患大凡膿瘀肉焮者卽針之而投托裏散
或口噤遺尿而似破傷風者急用十全大補湯加附子多有生
一腐肉不潰或惡寒而不潰用補中益氣湯發熱而不潰用八
珍湯若因剋伐而不潰者用六君子湯加當歸其外皮黑堅硬
不潰者內火蒸炙也內服八珍湯外塗當歸膏其死肉不能潰
或新肉不能生而致死者皆失於不預補脾胃也
一新肉不生若患處天白脾氣虛也用六君芎歸患處緋赤陰
血虛也用四物參朮若惡寒發熱氣血虛也用十全大補湯膿
稀白而不生者脾肺氣虛也用補中益氣湯膿稀赤而不生者

脾血虛也用東垣聖愈湯寒熱而不生肝火動也用加味道
延散補熱而不生肝血虛也用八珍牡丹皮食少體倦而不生
胃氣虛也用六君子湯膿穢而不生者陰虛邪火也用六味
黃丸四散凶倦精神短少而不生者元氣內傷也用補中益
氣湯如夏月用調中益氣湯作瀉用清暑益氣湯秋令作瀉用清燥湯
傷重昏憤者急灌以獨參湯雖內瘀血切不可下急用芫藍
散內化之恐因瀉而亡陰也若元氣虛甚者尤不可下亦用
以前散化之凡瘀血在內大小便不通用大黃朴硝血凝而不
下者急用木香肉桂末二三錢以熟酒調灌服血下乃生如怯
弱之人用硝黃須加肉桂木香同煎假其熱以行其寒也
大便秘結若大腸血虛火熾者用四物湯送潤腸丸或以猪
脂汁導之若腎虛火燥者用六味地黃丸腸胃氣虛用補中益氣湯

一傷損症用黑羊皮者蓋羊性熱能補氣也若杖瘡傷甚內肉
已壞欲其潰者貼之成膿固速苟內非補劑壯其根本毒氣不
無內侵外非砭刺泄其瘀穢良肉不無傷壞若受刑輕外皮破
傷者但宜當歸膏敷貼更服四物芩連柴胡山梔白朮茯苓又
丁芩不結傷肉不潰死血自散腫痛自消若槩行菴貼則醞釀
瘀毒矣
一跳躍挫胸閃挫舉重勞役恚怒而胸腹痛悶喜手摸者肝火
傷脾也用四君柴胡山梔畏手摸者肝經血滯也用四物柴胡
山梔桃仁紅花若胸脇作痛飲食少思肝脾氣傷也用四君芫
歸若胸腹不利食少無寐脾氣鬱結也用加味歸脾湯若痰氣
不利脾肺氣滯也用二陳白朮芫歸梔子青皮若咬牙發搐肝
旺脾虛也用小柴胡湯川芎山梔天麻釣藤鉤或用風藥則肝
血益傷肝火益甚或飲糖酒則腎水益虛肝火愈熾若用大黃

等藥內傷陰絡反致下血少壯者必爲痼疾老弱者多致不起
一破傷風河間云風症善行數變入臟甚速死生在反掌之間
且急分表裏虛實而治之邪在表者則筋脉拘急時或寒熱筋
惕搐搦脉浮弦用羌活防風湯散之在半表半裏者則頭微汗
身無汗用羌活湯和之傳入裏者舌強口噤項背反張筋惕搐
搦痰涎壅盛胸腹滿悶便搦閉赤時或汗出脉洪數而弦以大
芩黃湯導之既下而汗仍出表虛也以白朮防風湯補之不時
濯以粥飲爲善前云乃氣虛未損之法也若膿血太泄陽隨陰
散氣血俱虛而類前症者悉宜大補脾胃切忌祛風之藥
一發瘧仲景云諸瘧項強皆屬於溫又云太陽病發汗太多致
瘧風病下之則瘧復發汗則拘急瘡家發汗則瘧是汗下重亡
津液所致有汗而不惡寒曰柔瘧以風能散氣也宜白朮湯加

桂心黃芪無汗而惡寒曰剛瘧以寒能溼血也宜葛根湯皆氣血內傷筋無所營而變非風也杖瘡及勞傷氣血而變者當補氣血未應用獨參湯手足冷加桂附緩則不救

撲傷之症治驗

血脫煩躁

有一患者兩脇脹悶欲欬不欬口覺血腥徧身臂腿脹痛倦怠不食煩渴脉大此血脫煩躁也與童便酒及砒患處出死血糜肉甚多忽發熱煩躁汗出投以獨參湯三劑少止又用補氣血清肝火之藥數劑飲食稍進後用獨參湯間服諸症悉退飲食頓加但不能多寐以歸脾湯加山梔竹茹四劑而熟睡因勞心遂煩渴自汗脉大無力以當歸補血湯二劑而安又以十全大補去川芎加麥門五味牡丹地骨麻黃根炒浮麥數劑而汗止

死肉且潰又二十餘劑而新肉生

血虛發躁

有一患者煩躁面赤口乾心渴脉洪大按之如無余曰此血虛發躁也遂以當歸補血湯二劑卽上後日晡發熱更以四物加柴胡牡丹地骨黃柏知母治之熱退而瘡斂東垣云發熱惡寒大渴不止其脉大而無力者非白虎湯症此血虛發躁也宜用當歸補血湯治之裴先生云肌熱躁熱目赤面紅其脉洪大而虛此血虛也若誤用白虎湯輕則危重則斃

氣虛血熱

有一患者頭額出汗熱渴氣短煩躁骨痛瘀血不潰遂割去之出鮮血服芩連之藥益甚其脉洪大而微此氣血俱虛邪火熾盛所致以四物加參芪木炙草少用柴胡炒芩二劑頭汗頓止

又加麥門五味肉桂二劑諸症悉退後用參芪歸朮炒芍熟地
麥門五味十餘劑瘀血潰而膿水稠矣但新肉不生以前藥倍
用白朮而斂

瘀血泛注

有一患者瘀血流注腰齊兩足俱黑隨飲童便酒砭出瘀血棄
肉投以小柴胡湯去半夏加山梔芩連骨碎補以清肝火用八
珍茯苓以壯脾胃死肉潰而新肉生後瘡復潰得靜調治年餘
有一患者瘀血攻注陰囊潰而成漏膿水清稀所服皆寒涼之
劑診其肝脉短瀆餘脉浮而無力此肝木受肺金剋制又元氣
虛不能收斂遂用壯脾胃生氣血之方元氣少復後終破於金
旺之日

瘀血作痛

有一患者腫痛發熱作渴汗出余曰此陰血受傷也先砭去惡

礮以通壅塞後用四物柴胡黃芩山梔丹皮骨碎補以清肝火而愈
有一患者傷處揉散惟腫痛不消余曰此瘀血在內宜急砭之
不從余以蘿蔔自然汁調山梔末敷之破處以當歸膏貼之更
服活血之劑而瘡數年之後但遇天陰仍作痒痛始知不砭之
有一患者臀腿黑腫而皮不破但脹痛重墜皆以爲內無瘀血
惟敷涼藥可以止痛余診其尺脉澀而結此因體肥肉厚瘀血
滯深刺去卽愈否則內潰有爛筋傷骨之患余入針四十漂黑
血數升腫痛遂止是日發熱惡寒煩渴頭痛此氣血俱虛而然
也以十全大補之劑遂瘥

肝火作痛

有一患者瘀血內脹炊痛發熱口乾作渴飲食不甘四肢倦怠
余曰此肝火熾盛脾土受制故患前症喜其稟實年壯第用降

火清肝活血之劑而愈

肝火忿怒

有一患者患處脹痛悲哀忿怒此厥陽之火爲七情激之而然耳遂砭去瘀血以小柴胡湯加山梔黃連桔梗而安後用生肝血養脾氣之藥瘡潰而斂

肝火脇脹

有一患者患處脹痛發熱欲嘔兩脇熱脹肝脉洪大余曰肝火之症也但令飲童便并小柴胡湯加黃連山梔歸梢紅花諸症果退此症若左關脉浮而無力以手按其腹反不脹者此血虛而肝脹也當以四物參苓青皮甘草之類治之若左關脉洪而有力胸脇脹痛者按之亦痛此怒氣傷肝之症也以小柴胡等歸青皮芍藥桔梗枳殼主之蓋此症不必論其受責之輕重問

其處去血之會否但被人扭按甚重努力恚怒以傷其氣血
於血歸肝多致前症甚則胸脇脹滿氣逆不通或血流口鼻卒
至不救

肝膽虛症

有一患者愈後口苦腰脇脹痛服補腎行氣等藥不愈余按其
脈浮而無力此屬肝膽氣血虛而然耳用參芪歸地黃白木麥
門五味治之而愈

血虛腹痛

有一患者杖後服四物紅花桃仁大黃等劑以遂瘀血腹反痛
更服一劑痛益甚按其腹不痛余曰此血虛也故喜按而不痛
且溫補之劑遂以歸身白朮參芪炙草二劑痛即止

氣虛不潰

有一患者瘀血已去飲食少思死肉不潰又用托裏之藥膿稍

潰而清此血氣虛也非大補不可彼不從余強用大補之劑飲
食進而死肉潰但少寐以歸脾湯加山梔二劑而寐因勞心煩
躁作渴脈浮洪大以當歸補血湯二劑而安

寒凝不潰

有一患者受刑太重外皮傷破瘀血如注內肉腐爛黑腫上亂
胸背下至足指昏潰不食隨以黑羊皮熱貼患處灌以童便酒
薄粥更以清肝活血調氣健脾之劑神思稍蘇始言遍身強痛
又用大劑養血補氣之藥腫消食進時仲冬瘀血疑結不能潰
膿又用大補之劑壯其陽氣其膿方熟遂砭去洞見其骨塗以
當歸膏及服前藥百餘劑肌肉漸生

脾虛不斂

有一患者潰而不斂以內有熱毒欲用寒涼之藥余曰此血氣

傾虛而不能斂耳非歸伏參芪之類培養脾土則肌肉何由而生豈可復用寒涼剋伐之藥重損氣血耶遂用前藥治之而愈

血虛筋攣

有一患者腹脹嘔吐眩暈用柴胡黃芩山梔紫菀杏仁枳殼桔梗川芎當歸赤芍紅花桃仁四劑而定後又出血過多昏慣目黑用十全大補等藥而蘓時肌肉潰爛膿水淋漓筋攣骨痛子切其脉浮而瀆沉而弱此因氣血耗損不能養筋筋虛不能束骨遂用養氣血之藥治之而愈

腎虛氣逆

有一患者杖瘡愈後失於調理頭目不清服祛風化痰等藥反眩暈服牛黃清心丸又肚腹疼痛杖痕腫癢發熱作渴飲食不思痰氣上升以爲杖瘡餘毒復作診左尺脉洪大按之如無子

曰此腎經不足不能攝氣歸源遂用人參黃芪茯苓陳皮當歸
川芎熟地山藥山茱萸五味麥門灸草服之而尋愈後因勞熱
渴頭痛倦怠少食用補中益氣湯加麥門五味而痊

濕熱乘肝

有一患者愈後腿作痛余意膿血過多瘡雖愈肝經血氣尚未
充實而濕熱乘虛也遂以八珍加牛膝木瓜蒼朮黃柏防己炙
草以祛濕熱養陰血痛漸止乃去防己黃柏服之遂瘳

肝經鬱火

有一患者瘀血失砭脹痛煩渴縱飲涼童便渴脹頓止以蘿蔔
細搗塗之瘀血漸散已而患處作癢仍塗之癢止後口乾作渴
小腹引陰莖作痛小便如淋時出白津此肝經鬱火也遂以小
柴胡湯加大黃黃連山梔飲之諸症悉退再用養血等藥而安

夫小腹引陰莖作痛等症往往誤認爲寒症投以熱劑則諸竅出血或二便不通以及危殆輕亦損其目矣

痛傷胃嘔

有一患者痛甚發熱嘔吐少食胸膈痞滿用行氣破血之劑益甚日乾作渴大便不調患處色黯余曰此痛傷胃氣所致遂以四君當歸炒芍軟柴藿香二劑諸症漸愈又用大補之劑潰之而廖

藥傷胃嘔

有一患者發熱熾痛服寒涼藥更加口乾作渴肚腹亦痛自以爲瘀血欲下之余按其肚腹不痛脉細微而遲飲食惡寒此涼藥傷胃而然也急用六君加芍藥當歸炮附子各一錢服之前症益甚反加譫語面赤余意其藥力未至耳前藥再加附子五分服之即睡覺來諸病頓退而安

氣血不損

有一患者瘀血雖去飲食形氣如故但熱渴燥痛膈痞有痰以小柴胡湯加天花粉貝母桔梗山梔二劑少愈又加生地歸尾黃芩柴胡山梔花粉而愈余治百餘人其杖後血氣不虛者惟此一人耳治者審之

行氣之非

有一患者服行氣之劑胸痞氣促食少體倦色黯膿清此形氣俱虛之症也先用六君桔梗二劑胸膈氣和後用補中益氣去升麻加茯苓半夏五味麥門治之元氣漸復而愈若用前劑戕賊元氣多致不救

下血之非

有一患者去其患處瘀血用四物柴胡紅花治之燥痞頓止但

寒熱口乾飲食少思用四物白朮茯苓柴胡黃芩花粉四劑寒
熱即退用六君芎藭藿香而飲食進腐肉雖潰膿水清稀以前
藥倍用參芪歸朮茯苓二十餘劑腐肉俱潰膿水漸稠候服下
藥一鍾連瀉四次患處色黯喜其脉不洪數乃以十全大補倍
加肉桂麥門五味數劑肉色紅活新肉漸生喜在壯年易於調
理又月餘而愈否則不救凡杖瘡跌撲之症患去如有瘀血止
且芟去服壯元氣之劑蓋其氣血已損切不可再用行氣下血
之藥復損脾胃則運氣愈難營運於下而反為敗症性

弱者多致天桂

寒藥之非

有一患者腫痛敷寒涼之藥欲內消瘀血反致臀腿俱令瘀血
併胸腹痞悶余急去所敷之藥以熱童便酒洗患去服六君木
香當歸敷回陽膏臀腿漸溫又以前藥去木香加川芎藭香肉

桂四劑瘀血解乃刺之更以壯脾胃養氣血得痊蓋氣血得溫則行得寒則凝寒極生熱變化爲膿腐潰深大血氣既敗肌肉無出而生欲望其生難矣

不砭之非

有一患者發熱煩躁用四物黃芩紅花軟柴山梔花粉煩熱已清瘀血深蓄欲針出之不從忽牙關緊急患處花痛如針去膿血卽安用托裏養血新肉漸長忽患處瘙癢此風熱也用祛風消毒之劑而痊

不補之非

有一患者臀腿脹痛發熱煩躁刺去死血脹痛少竟熱躁甚此血脫邪火旺而然也急用獨參湯補之少愈又以健脾胃養氣血藥治之腐肉漸潰遂愈大抵此症宜預調補以顧收斂切

不可伐其氣血不行補益以至不能收斂矣

破傷風表症

有一患者仲夏誤傷手腰背反張牙關緊急脉浮而散此表症也遂用羌活防風湯一劑即解此症若在秋冬腠理緻密之時須用麻黃之類以發汗此乃暴傷氣血不損之治法也

破傷風裏症

有一患者杖處畧破而患此脉洪大而實此裏症也用大芎黃湯一劑大便微行一次悉退若投表藥必死宜急分表裏虛實而治之庶無誤矣

膿內炊類破傷風

有一患者寒熱口乾用四物參芪白朮軟柴炒芩麥門五味四劑少退余欲斲去瘀血不從後怔忡不寐飲食少思牙關牽緊

頭目疼痛惡寒發熱此膿內掀也遂砭法之即安以八珍棗仁
麥門五味二十劑前症漸愈又用前藥及獨參湯瘀肉漸潰後
因勞又少寐盜汗以歸脾湯麥門五味遠志而痊後牙關脹悶
面目焮赤又似破傷風仍以爲虛用八珍等藥亦安

膿潰類破傷風

有一患者膿脹喘促作惡寒熱臀腿糜爛與死肉相和如皮囊
盛糊用童便煎四物桃仁紅花柴胡黃芩麥門花粉服之頓退
彼用黑羊皮貼之益甚後砭去膿血甚多氣息奄奄唇口微動
牙關緊急患處色黯或欲用破傷風藥余曰此氣血虛而變症
也用參芪芍歸白朮併獨參湯人乳汁元氣復而諸症愈及用
十全大補湯調理而安此症若膿瘀內焮者宜針之若潰後口
噤遺尿而類破傷風等症者乃氣血虛極也急用大補之劑若

系多痰患風症者宜清痰降火若因怒而見風症者宜清肝降火若人不慎房勞而忽患前症此由腎水不足心火熾甚宜滋陰補氣血爲主若誤作風症治之卽死

內虛變症

症當作瘧

有一患者內潰針出膿三五碗遂用大補之劑翌日熱甚汗出足冷口噤腰背反張衆欲投發散之劑余曰此氣血虛極而變經也若認作風治則悞矣用十全大補等藥而愈此症多因傷寒汗下過度與產婦潰瘍氣血虧損所致但當調補氣血爲善若服剋伐之劑多致不救

有一患者兩月餘矣瘡口未完因怒發瘡瘡口出血此怒動肝火而爲患耳用柴胡芩連山梔防風桔梗天麻釣藤鈎甘草治之頓愈劉宗厚先生云瘡有屬風火之熱內作者有因七情怒

氣而作者亦有濕熱內盛痰涎壅遏經絡而作者惟宜補虛降火敦土平木清痰去濕

墜跌金傷治驗

瘀血腹痛

有一患者仲秋夜歸墜馬腹內作痛飲酒數盃翌早大便自下瘀血卽安此元氣充實挾酒勢而行散也一男子跌傷腹痛作渴食梨子二枚益甚大便不通血欲逆上用當歸承氣湯加桃仁瘀血下而瘥此因元氣不足瘀血得寒而聚凝也故產婦金瘡者不宜食此

一男子孟秋墜梯腹停瘀血用大黃等藥其血不下反加胸膈脹痛喘促短氣余用肉桂木香末各三錢熱酒調服卽下黑血及前所服之藥而蘓此因寒藥凝滯而不行故用辛溫之劑散

脾傷腹痛

陳侍御墜馬腿痛作嘔服下藥一劑胸腹脹痛按之卽止惟倦
思少氣診其脉微細而濇余曰非瘀血也乃痛傷氣血復因藥
損脾氣而然耳投養脾胃生氣血之藥而愈

血虛脇脹

李進士季夏傷手出血不止發熱作渴兩脇作脹按之卽止此
血虛也用八珍加軟柴胡天花粉治之頓愈更用養氣血之藥
調理而痊

血虛煩躁

吳給事墜馬傷首出血過多發熱煩躁肉瞤筋惕或欲投破傷
風藥余曰此血虛火動所致當峻補其血爲善遂用聖愈湯二
劑卽安又養氣血而瘡痊

亡血出汗

張進士季秋墜馬亡血過多出汗煩躁翌日其汗自止熱躁益甚口噤手顫此陰血虛陽火乘之而汗出爲寒氣收斂腠理故汗不得出火不得泄沸鬱內甚而益增他症也余用四物加柴胡黃芩山梔四劑少止又用四物參芪軟柴胡五味麥門治之

亡血昏慣二條

一婦人孟冬傷足亡血頭汗內熱作渴短氣煩躁不時昏慣其脈洪大按之微弱此陰血虛於下孤陽炎於上故發厥而頭出汗也以四物合小柴胡湯一劑汗即止以四物去川芎加參芪麥門五味炙草少用肉桂四劑諸症悉去又三十餘劑血氣復而愈

一男子孟夏折腿出血過多其初眩暈眼花後則昏慣此陰血傷損陽火熾甚制金不能平木木旺生風所致急灌童便更用

八參當歸各五錢荆芥川芎柴胡芍藥白朮各二錢山梔黃芩
何梗各一錢甘草五分服之隨爽又用四物參芪各三錢生地
柴胡各一錢四劑煩躁悉去

濕痰作痛 三條

八宗伯沈立齋孟冬閃腰作痛胸間痰氣不利以枳殼青皮柴
胡升麻木香茵香當歸川芎赤芍神麩紅花四劑而瘥但飲食
不甘微有潮熱以參芪白朮陳皮白芍各一錢歸身二錢川芎
八分軟柴胡地骨炙草各五分十餘劑而康

劉尚寶體微臂閃作痛服透骨丹反致肢節俱痛下體益甚以
一陳南星羌活防風牛膝木瓜蒼朮黃芩黃柏治之身痛遂安
以前藥加歸尾赤芍桔梗治之而痊

鄭吏部素有濕痰孟冬墜馬服辛熱破血之藥遍身作痛發熱

口乾脉大而滑此熱劑激動痰火爲患耳治以清燥湯去人參
當歸黃芪加黃芩山梔半夏黃栢熱痛頓去患處少愈用二陳
羌活桔梗蒼朮黃栢薑製生地當歸遂痊

肝火作痛

楊司天骨已入髓患去仍痛服藥不應肝脉洪大而急余曰此
肝火盛而作痛也用小柴胡湯加山梔黃連二劑痛止用四物
山梔黃栢知母調理而康

血虛作痛

一婦人磕臂出血骨痛熱渴煩悶頭暈日晡益甚此陰虛內熱
之症用八珍加丹皮麥門五味骨碎補肉桂及地黃九治之悉
愈却去桂加牛膝續斷二十餘劑而瘡愈

骨傷作痛二條

小兒足傷作痛肉色不變傷在骨也類用炒葱熨之五更用
和血定痛丸日間用健脾胃生氣血之劑數日後服地黃丸三
尺餘而痊

小兒臂骨出髓接入腫痛發熱服流氣等藥益甚飲食少思
示以葱熨之其痛即止以六君黃芪柴胡桔梗續斷骨碎補治
之飲食進而腫痛消又用補中益氣加麥門五味治之氣血和
而熱退愈矣

氣虛血滯

馱給事墜馬腿腫痛而色黯食少倦怠此元氣虛弱不能逆散
於血而然耳遂用補中益氣去升麻柴胡加木瓜茯苓芍藥白
朮治之而痊

氣虛不潰

三曲豆...

少宗伯劉五清膝傷一塊微痛少食用六君子湯倍加當歸黃芪其痛漸止月餘瘀血內涸而不潰公以爲痊余曰此陽氣虛極須調補不從至來春頭暈痰涎壅塞服清氣化痰病勢愈盛脉洪大而微細欲以參芪歸朮附子之類補之不信至秋初因怒昏憤而厥

氣虛壅腫 三條

一婦人閃臂腕腫大已三月手臂日細肌瘦惡寒食少短氣脉息微細屬形病俱虛也遂投補中益氣加肉桂引諸藥以行至臂再加貝母香附以解久病之鬱間服和血定痛丸以葱熨之腫消二三因怒患去仍脹胸膈兩脇微痛以前湯更加木香山梔半夏桔梗服之少可復因驚不寐少食盜汗以歸脾湯加五味麥門二十餘劑而安腫消三四手臂漸肥但經水過期而少

此心脾之血尚未充足而然也乃用八珍加五味麥門丹皮遠志香附貝母桔梗四十餘劑諸症悉愈後因怒發熱譫語經水如湧此怒動肝火以小柴胡湯加生地黄三錢一劑遂止以四物加柴胡調理而康

州守陳克明子閃右臂腕腫痛肉色不變久服流氣等藥加寒熱少食舌乾作渴余曰傷損等症腫不消色不變此運氣虛而不能愈當助脾胃壯氣血為主遂從余法治之不二月形氣漸充腫熱漸消半載諸症悉退體臂如常

一小兒閃腿腕壅腫形氣怯弱余欲治以補氣血為主佐以行散之劑不信乃內服流氣飲外敷寒涼藥加寒熱體倦余曰惡寒發熱脈息洪大氣血虛極也治之無功後內潰瀝盡氣血而

瘀血腫痛

一男子閃傷右腿，腫作痛，余謂急疔去滯血以補元氣，庶無後患。不信，乃外敷大黃等藥，內服流氣飲，後湧出穢膿數碗，許其膿不止，乃復請治。視其腿細而脉大作，渴發熱，辭不治。後果窻友黃汝道環跳穴處閃傷，瘀血腫痛發熱，作渴遂疔去瘀血。知其下焦素有虛火，用八珍加黃栢知母牛膝骨碎補四劑，頓止。用十全大補湯少加黃栢知母麥門五味三十餘劑而斂。

筋傷壅腫

李考功子十四歲，脚腕閃傷，腫而色天，日出清膿少許，肝脉微濡。此肝經受傷，氣血虛而不能潰，難治之症也。急止剋伐之劑，不信，乃雜用流氣等藥，後果出爛筋而死。

肺火衄血

張地官墜馬傷腿，服草烏等藥，致衄血咳嗽，臂痛，口黃，口渴，齒

痛小便短少此因燥劑傷肺與大腸而致余用生地苓連黃柏
知母山梔山藥甘草以潤肺之燥而生腎水小便頓長諸症並
止以山藥五味麥門參芪苓歸黃柏黃芩知母炙草以滋陰血
養元氣而瘡斂

肝火出血

三條

俞進士折腿骨已接三月尚發熱出汗不止正體醫治不應左
關脈洪數此肝火熾甚血得熱而妄行也遂投小柴胡湯加山
梔芍藥生地防風血止熱退又用八珍五味麥門治之瘡口斂
田宗伯姪仲秋因怒跌仆遍身作痛發熱衄血肝脈洪弦余曰
久衄脈弦洪乃肝火盛而制金也至春則肝木茂盛而自焚或
戕賊脾土非易治之症當滋腎水以生肝木益脾土以生肺金
乃雜用瀉肝火等藥歿於仲春之月

一婦人因怒仆地傷面出血痰盛昏憤牙關緊急余曰此怒動肝火氣逆拂鬱神明昏冒而卒倒也兩手脉洪大而無倫次以小柴胡湯加黃連山梔芩歸橘紅茯苓薑汁治之而甦

胃火作嘔

一膏梁之人跌腿青腫作痛服辛熱之藥反發熱作喘患處益痛口乾唇揭余曰膏梁之人內多積熱夏服辛熱之劑益其胃火而使然也頻飲童便以清胃散加山梔黃芩治之頓止患處以葱熨之腫卽消散

陰虛作喘

舉人杜克弘墜馬服下血藥反作喘日晡益甚此血虛所致耳非瘀血爲患遂以四物加參芪五味麥門治之其喘頓至又用補中益氣加五味麥門而愈此症果係瘀血蒸熏於肺而喘只

宜活血行血亦不可下若面黑胸脹或膈痛作喘當用人參一兩蘓木二兩作一劑水煎急服緩則不治產婦多有此疾

陰虛發熱

楊進士傷手指焮痛發熱服寒涼之藥致飲食頓減患處不潰余用托裏養血之藥食進瘡潰後因勞每日晡發熱此陰虛而內熱也以四物軟柴胡地骨皮乃退更用血氣之藥而瘡斂

氣血虛熱

一男子墜馬腹有瘀血服藥下之致發熱盜汗自汗脉浮濇余以爲重劑過傷氣血所致投以十全大補湯益甚時或譫語此藥力未及而然也以前藥加炮附子五分服之卽睡覺來頓安再劑而痊

血不歸經二條

存氏醫方卷之五
五
長六寸

大尹劉國信金瘡出血發熱煩躁屬陰虛爲患用聖愈湯治之
虛火息而血歸經矣

梁閣老姪金瘡腫痛出血不止寒熱口乾此氣虛血無所附而
血不歸經也用補中益氣五味麥門主之陽氣復而愈

氣無所附

舉人余時正金瘡燉痛出血不止惡寒發熱用敗毒等藥愈甚
亡血過多氣無所附而然耳遂以黃栢知母軟柴胡玄參五味
麥門治之卽愈

氣血俱虛

余北仕時有留都賈學士于年十六患流注已二載公陞北宗
伯邀余治診其脉洪大而數膿清作渴食少盜汗朝寒暮熱余
曰此氣血俱虛也先以固氣血爲主午前以四君芎歸炙草午

後以四物參芪麥門五味兩月諸症遂可一二有一醫用滲利之藥保其必生治之三月氣血極虛而形體骨立復懇乞余被命南下後果歿

陽氣脫陷

梁閣老姪跌傷腿外敷大黃等藥內服破血之劑遂致內潰余針出穢膿三碗許虛證悉具用大補之劑兩月餘少能步履因勞心手撒眼閉汗出如水或欲用祛風之劑余曰此氣血尚未充足而然也急以艾炒熱熨熨肚臍并氣海穴處以人參四兩炮附子五錢煎灌良久臂少動又灌一劑眼開能言但氣不能接續乃以參芪歸朮四味共一斤附子五錢水煎徐徐服之而

膽經血少

一女子年十七閉右臂微腫作痛寅申時發熱余決其膽經血

虛火盛經水果先期而至先以四物合小柴胡湯四劑熱退更以加味四物湯加香附地骨皮山梔各五分芩連炙草各三分二十餘劑其腫亦消又去黃連山梔又五十餘劑經水調而元氣充矣

腎經虛怯 二條

儒者王清之跌腰作痛用定痛等藥不愈氣血日衰面目顰色余曰腰爲腎之府雖曰閃傷實腎經虛弱所致遂用杜仲補骨脂五味山茱萸蓉山藥空心服又以六君當歸白朮神麴各二錢食遠服不月而瘥二三歲兒閃腰作痛服流氣等藥半載不愈余曰此稟腎氣不足不治之症也後果歿

痛傷胃嘔

一婦人傷指手背俱腫微嘔少食彼以爲毒氣內攻診其脉沉

細此痛傷胃氣所致也遂刺出膿碗許先以六君藿香當歸而食進繼以八珍黃芪白芷桔梗月餘而瘡愈

氣遏肉死 二條

一男子脩傷足指色黑不痛而欲脫余曰此因陽氣虛不能運達於患處也急去之速服補劑以壯元氣否則死肉延足必不救矣不信果黑爛上脛而死大抵手足氣血罕到之地或生瘡或傷損若戕其元氣邪氣愈盛潰爛延上必死不潰而色黯者亦死若骨斷筋皮尚連者急剪去之

一女年數歲嚴寒上京兩足受凍不仁用湯泡漬至春十指俱爛牽連未落余用托裏之劑助其陽氣自潰脫得保其生此因寒邪遏絕運氣不至又加熱湯泡漬故死而不痛也余嘗見人之嚴寒而出凍傷其耳不知痛若以手觸之其耳卽落當以煖

煖處良久或執手熨之無恙若以火烘湯泡其耳卽死至春必潰脫落矣北方寒氣損人若此可不察之

涼藥遏經

雲間曹子容爲室人中風灌藥誤咬去指半筋燠痛寒熱外敷大黃等藥內服清熱敗毒患處不痛不潰膿清寒熱愈甚余曰此因涼藥遏絕隧道而然也遂敷玉龍膏以散寒氣更服六君子湯以壯脾胃數日後患處微痛腫處漸消此陽氣運達患處也果出稠膿不數日半指潰脫更服托裏藥而斂

上合王天爵傷足燠腫內熱作渴外敷內服皆寒涼敗毒患處益腫而不潰且惡寒少食欲作嘔吐余曰此氣血俱虛又因寒藥凝結隧道損傷胃氣以致前症耳遂用香砂六君子芳歸炮薑外症悉退惟體倦晡熱飲食不甘以補中益氣湯加地骨皮

五味麥門治之而愈

州守王廷用傷指卽用帛裹之瘀血內潰燉腫至手余謂宜解患處以出瘀血更用推陳致新之劑不信乃敷涼藥痛雖少止次日復作又敷之數日後手心背俱潰出瘀穢膿水尚服敗毒之劑氣血益虛色黯膿清飲食少思仍請余治投以壯脾胃生氣血之劑由是膿水漸稠而愈

湯火所傷治驗

火毒刑肺金

一男子孟冬火傷臂作痛喘嗽發熱此火毒刑肺金之症用人參平肺散治之喘嗽乃止因勞又惡寒發熱此氣血虛也以八珍湯加桔梗白芷治之而退再加薄桂三分以助藥勢溫氣血壞肉潰之而愈○若初起燉赤作痛用神效當歸膏敷之輕者

自愈重者自腐生肌神效○或用側柏葉末蠟油調敷亦效若
發熱作渴小便赤色其脉洪數而實者用四物茯苓木通生甘
草炒黃連脉雖洪數而虛者用八珍若患處不潰而色黯者四
君芩歸黃芪之類若肉死已潰而不生肌者用四君黃芪當歸
炮薑若愈後而惡寒陽氣未復也急用十全大補切不可用寒
涼反傷脾胃

火毒焮作

一男子因醉被湯傷腿潰爛發熱作渴飲水脉洪數而有力此
火毒爲患用生地當歸芩連木通葛根甘草十餘劑諸症漸退
却用參芪白朮芩歸炙草芍藥白芷木瓜新肉將完因勞忽寒
熱此氣血虛而然也仍用參芪之藥加五味子酸棗仁而安又
月餘而瘡痊

火毒行於下焦

一男子火傷兩臂焮痛大小便不利此火毒傳於下焦用生地黃當歸芍藥黃連木通山梔赤茯苓甘草一劑二便清利其痛亦止乃以四物參芪白芷甘草而壞肉去又數劑而新肉生

火毒乘血分

一婦人湯傷胸大潰兩月不斂脉洪大而無力口乾發熱日晡益甚此陰血虛火毒乘之而爲患耳用四物湯加柴胡丹皮熱退身涼更用逍遙散加陳皮以養陰血壯脾胃腐肉去而新肉生

生

益其壯氣助血氣

一服大為益助壯氣

一服大為益助壯氣

一服大為益助壯氣

亦且其以四... 冬... 其... 甘草... 補... 肉... 去... 煨... 隨... 而... 神... 肉... 主

其... 補... 肉... 去... 煨... 隨... 而... 神... 肉... 主

其... 補... 肉... 去... 煨... 隨... 而... 神... 肉... 主

大... 錢... 不... 煎

體類要下卷

薛氏醫按

吳郡薛 已著

新都吳玄有校

方藥

一君子湯 治脾胃虛弱或因剋伐腫痛不散或潰而不斂或

飲食少思或欲作嘔大便不實等症

人參 白朮 茯苓 甘草

右作一劑薑棗水煎服

小柴胡湯 治一切撲傷等症因肝膽經火盛作痛出血白汗

寒熱往來日晡發熱或潮熱身熱咳嗽發熱脇下作痛

柴胡 黃芩 半夏 人參 甘草

右薑水煎服

神效葱熨法 治跌撲傷損用葱白細切杵爛炒熱敷患處如

冷易之腫痛即止其效如神

八珍湯 治傷損等症失血過多或因剋伐血氣耗損惡寒發

熱煩躁作渴等症

人參 白朮 白茯苓 當歸 川芎 白芍藥

熟地黃各錢 甘草各五分 右薑棗水煎服

犀角地黃湯 治火盛血熱妄行或吐衄不止大便下血如因

怒而致加山梔柴胡

犀角鎊末 生地黄 白芍藥 黃芩 牡丹皮

黃連各一錢五分 用水煎熟傾於鍾內入犀末服之

十味參蘓飲 治氣逆血蘊上焦發熱氣促或咳血鼻血或痰

嗽不止加黃芩山梔即加味參蘓飲

人參 紫蘓 半夏 茯苓 陳皮 桔梗 前胡

葛根 枳殼各一錢 甘草分五右用薑水煎服

一味蘓參飲 治出血過多瘀血入肺面黑喘促

人參兩一 蘓木兩二 用水煎服

四物湯 治一切血虛日晡發熱煩躁不安者皆宜服之

當歸 熟地黃各二錢 芍藥二錢 川芎一錢五分

右水煎服加白朮茯苓柴胡丹皮即加味四物湯

桃仁承氣湯加當歸即歸承湯 治傷損血滯於內作痛或發熱發狂等

桃仁 芒硝 甘草各一錢 大黃二錢 用水煎服大黃更量

加味承氣湯 治瘀血內停胸腹脹痛或大便不通等症

大黃 朴硝各二錢 枳實一錢 厚朴一錢 甘草五分

當歸 紅花各一錢 用酒水各一鍾煎一鍾服仍量虛實

三曲夏... 天六

獨參湯 治一切失血與瘡瘍潰後氣血俱虛惡寒發熱作渴

煩躁者宜用此藥補氣蓋血生於氣陽生陰長之理也用人

參二兩棗十枚水煎服

歸脾湯 治跌撲等症氣血損傷或思慮傷脾血虛火動寤而

不寐或心脾作痛怠惰嗜卧怔忡驚悸自汗盜汗大便不調

或血上下妄行其功甚捷

白朮 當歸 白茯苓 黃芪炒 龍眼肉 遠志

酸棗仁炒各一錢 木香五分 甘草炙三分 人參一錢

右薑棗水煎服加柴胡山梔即加味歸脾湯

潤腸丸 治跌撲等症或脾胃伏火大腸乾躁或風熱結等症

麻子仁兩一 桃仁皮尖一兩去 羌活 當歸尾

大黃煨 皂角刺 秦艽各五

右為末煉蜜丸桐子大猪膽汁丸尤妙每服三五丸食前
白滾湯送下凡怯弱人先用猪膽導之不通宜補氣血

當歸補血湯 治杖瘡金瘡等症血氣損傷肌熱大渴引飲目

赤面紅晝夜不息其脉洪大而虛重按全無此病多得於飢

渴勞役者若誤服白虎湯必死

黃芪灸一兩

當歸二錢

用水煎服

聖愈湯 治杖瘡金瘡癰疽膿血出多熱躁不安或晡熱作渴等症

熟地黃酒洗

生地黃酒洗

人參各一錢

川芎一錢

當歸酒洗

黃芩各五分

用水煎服

十全大補湯 治杖瘡氣血俱虛腫痛不消腐而不潰潰而不

斂或惡寒發熱自汗盜汗飲食少思肢體倦怠若怯弱之人

患處青腫而肉不壞者服之自愈若有瘀血硬刺早者服之

自消或潰而膿水清稀肌肉不生或口乾作渴而欲湯者尤宜服之

白茯苓 人參 當歸 白朮 黃芪

川芎 白芍藥炒 熟地黃生者白製 肉桂五分

甘草炙各一錢 用薑棗水煎服

參附湯 治金瘡杖瘡失血過多或膿瘀大泄陽隨陰走上氣

喘急自汗盜汗氣短頭暈等症

人參四錢 附子炮去皮臍三錢 用水煎服陽氣脫陷者倍用之

清胃散 治血傷火盛或胃經濕熱唇口腫痛牙齦潰爛或發

熱惡寒等症

生地黃五分 升麻一錢 牡丹皮五分 黃連五分

當歸酒洗五分 用水煎服如痛未止黃芩石膏大黃之類皆可量加

清燥湯 治跌撲瘡瘍血氣損傷或潰後氣血虛怯濕熱乘之

遍身酸軟或秋夏濕熱太甚肺金受傷絕寒水生化之源腎
無所養小便赤澀大便不調或腰腿痿軟口乾作渴體重麻
木或頭目暈眩飲食少思或自汗體倦胸滿氣促或氣高而
喘身熱而煩

黃芪一錢五分

蒼朮一錢

白朮

陳皮

澤瀉名五分

五味子粒九

白茯苓

人參

升麻各五分

麥門冬

當歸身

生地黃

神麴炒

猪苓

酒栢各五分

柴胡

黃連

甘草炙各三分

右薑水煎服濕痰壅盛參芪歸地之類可暫減之

生脉散 治金燬杖燬等症發熱體倦氣短或汗多作渴或瀉

後睡卧不寧陽氣下陷發熱煩躁若六七月間濕熱大行火

土合病令人脾胃虛弱身重氣短或金為火制絕寒水化源

肢體痿軟脚欹眼黑並宜服

人參 五錢

五味子 錢一

麥門冬

用水煎服

二妙散 治下焦濕熱腫痛或流注遊走遍身疼痛

蒼朮

黃柏 各等分

用為末每服二三錢酒調服作丸可

四斤丸 治肝腎精血不足筋無所養攣縮不能步履或邪滯

於內筋骨痿軟

肉苁蓉 酒浸

牛膝 酒洗

天麻

乾木瓜

鹿茸 炙

熟地黃 生者自製

兔絲子 酒浸

五倍子 各等分

五味子 各等分

右為末用地黃膏丸相子大每服五七十丸空心溫酒送下

補中益氣湯 治跌撲等症損傷元氣或過服剋伐惡寒發熱

肢體倦怠血氣虛弱不能生肌收斂或兼飲食勞倦頭痛身

熱煩躁作渴脈洪大弦虛或微細軟弱自汗倦怠飲食少思

黃芪炙

人參

白朮

甘草

炙各一錢五分

當歸

錢

陳皮五分

柴胡

升麻

名二分

用薑棗水煎服

四生散

治腎臟風毒遍身瘙痒或膿水淋漓耳鳴目癢或鼻

赤齒浮口舌生瘡婦人血風瘡更效

白附子

獨活

黃芪

蒺藜

各等分

右為末各等分每服二錢用腰子一枚劈開入藥濕紙包裹

煨熟細嚼鹽湯下酒服亦可

竹葉黃芪湯

治氣血虛胃火盛而作渴者

淡竹葉二錢

黃芪

生地黃

當歸

麥門冬

川芎

甘草

黃芩炒

芍藥

人參

石膏

煨各一錢

用水煎服

竹葉石膏湯

治胃火盛而作渴者

淡竹葉

石膏煨

桔梗

木通

薄荷

甘草

各一錢

用薑水煎服

人參平肺飲

治心火剋肺咳嗽喘嘔痰涎壅盛咽喉不利等症

人參

陳皮

甘草

各一錢

地骨皮

茯苓

知母

各八分

五味子

青皮

天門冬

桑白皮

各五分

右水煎服

滋腎丸 治腎經陰虛發熱作渴足熱腿膝無力等症凡不渴

而小便閉者最宜用之

肉桂 三錢

知母

酒炒

黃柏

酒炒各二兩

右爲末水丸桐子大每服七八十九空心白滾湯下

六味地黃丸

加肉桂五味各一兩名加減八味丸

治傷損之症因腎肺二經虛弱

發熱作渴頭暈眼花咽燥唇裂齒不堅固腰腿痿軟小便頻

赤自汗盜汗便血諸血失瘡水泛為痰之聖藥血虛發熱之神劑若損重傷骨不能言如瘡者用此水煎服之亦效

熟地黄人兩杵膏自製

山茱萸肉

乾山藥各四兩

牡丹皮

白茯苓

澤瀉各三兩

右為末和地黄丸桐子大每服七八十九空心食前滾湯下

清心蓮子飲 治發熱口渴白濁夜安靜而晝發熱等症

黃芩錢一

麥門冬

地骨皮

車前子炒

甘草各五分錢

石蓮肉

茯苓

黃芪炒

柴胡

人參各一錢

右水煎服

七味白朮散 治脾胃虛弱津液短少口渴作渴或中風虛熱

口舌生瘡不喜飲冷最宜服之

人參

白朮

木香

白茯苓

甘草炙

藿香 各五分

乾葛 一錢

用水煎服

黑丸子

一名和血定痛丸

治跌撲墮墮筋骨疼痛或瘀血壅腫或風寒

肢體作痛若流注膝風初結服之自消若潰而膿清發熱與

補氣血藥兼服自斂

白草霜

白芍藥

各一兩

赤小豆

一兩六錢

川烏

炮三錢

白斂

一兩六錢

白芨

當歸

各八錢

南星

泡三錢

牛膝

焙六錢

骨碎補

焙六錢

右各另為末酒糊丸桐子大每服三十九鹽湯溫酒送下孕婦勿服

白丸子 治一切風痰壅盛手足頑麻或牙關緊急口眼歪斜

半身不遂等症

半夏

七兩生用

南星

二兩生用

川烏

去皮臍生用五錢

石為末用生薑汁調糊丸桐子大每服一二十九薑湯送下

六君子湯 治金瘡杖瘡等症因元氣虛弱腫痛不消或不潰

斂或服剋伐傷脾或不思飲食宜服之以壯營氣此方即四

君子湯加陳皮白朮更加香附藿香砂仁香砂六君子

迴陽玉龍膏 治跌撲所傷為數涼藥或人元氣虛寒腫不消

散或不潰斂及癰腫堅硬肉色不變久而不潰潰而不斂或

筋攣骨痛一切冷症並效

草烏錢二 南星煨一兩 軍薑一兩 白芷一兩 肉桂錢五

赤芍藥一兩 用為末葱湯調塗熱酒亦可

復原活血湯 治跌撲等症瘀血停凝脇腹作痛甚者大便不通

柴胡 當歸 紅花各二錢 川山甲炮五分 大黃酒炒錢

桃仁一枚 甘草五分 瓜蒌根錢一 用酒水各半煎服

復原通氣散 治打撲傷損作痛及乳癰便毒初起或氣滯作痛

木香

茴香炒

青皮去白

川山甲酥炙 陳皮

白芷

甘草

漏蘆

貝母各二分

右為末每服一二錢溫酒調下

愚按前方治打撲閃錯或惱怒氣滯血凝作痛之良劑經六形傷作痛氣傷作腫又云先腫而後痛者形傷氣也先痛而後腫者氣傷形也若人元氣素弱或因叫號血氣損傷或過服剋伐之劑或外敷寒涼之藥血氣凝結者當審前大法用溫補氣血為善

神效太乙膏 治癰疽發背杖瘡及一切瘡疽潰爛

玄參

白芷

當歸

肉桂

赤芍藥

大黃

生地黄各一兩

用麻油二斤入銅鍋內煎至藥

黑瀘去粗徐入淨黃丹十二兩再煎滴水中捻軟硬成膏矣

乳香定痛散 治杖瘡金瘡及一切瘡瘍潰爛疼痛

乳香

沒藥

錢五

滑石

一兩

寒水石

一兩

水片

錢

右為末搽患處痛即止甚效

猪蹄湯 治一切癰疽杖瘡潰爛消腫毒去惡肉

白芷

當歸

羌活

赤芍藥

露蜂房

蜂兒多者佳

生甘草

各五錢

用猪蹄一隻水五碗煮熟取清湯入前藥

煎數沸去粗溫洗隨用膏藥貼之

神效當歸膏 治杖撲湯火瘡毒不問已潰未潰肉雖傷而未

壞者用之自愈肉已死而用之自潰新肉易生搽至肉色漸

白其毒始盡生肌最速如棍杖者外皮不破肉內糜爛其外

皮因內燉乾縮堅硬不潰爬連好肉作痛故俗云丁痂皮致

膿痰無從而泄內愈脹痛腐潰益深往往不待其潰就行割

去而瘡口開張難以潰斂怯弱之人多成破傷風症每致不救若杖瘡內有瘀血者即用有鋒芒磁片於患處斅去塗以此藥則丁痂自結死肉自潰膿穢自出所潰亦淺生肌之際亦不結痂又免皴揭之痛殊有神效蓋當歸地黃麻油二蠟主生肌止痛補血續筋與新肉相宜此方余以刊行治者亦多用之

當歸 一兩

麻肉 六兩

黃蠟 一兩

生地黄 一兩

右先將當歸地黃入油煎黑去粗入蠟溶化候冷攪勻即成膏矣白蠟尤妙

托裏散 治金瘡杖瘡及一切瘡毒因氣血虛不能成膿或膿成不能潰斂膿水清稀久而不瘥

人參 一錢 氣虛多用之

黃芪 補水并 炒一兩

白朮 炒

陳皮 各七分

當歸身

酒拌一錢

芍藥

酒炒

熟地黄

生荒日製

白茯苓

各一錢

用水煎服

加味芩歸湯

治跌撲墜墮皮膚不破瘀血入胃作嘔

芩薊

當歸

百合

水浸半日

白芍藥

荆芥穗

各二錢

用酒水煎服

當歸導滯散

治跌撲瘀血在內胸腹脹滿或大便不通或喘

咳吐血

大黃

當歸

各等分

用為末每服三錢溫酒下氣

虛須加桂

花蕊石散

治打撲傷損腹中瘀血脹痛欲死服之血化為水

其功不能盡述

硫黃

明色者四兩

花蕊石

一兩

右為末和勻先用紙筋和鹽泥固濟瓦罐一個候乾入藥再

用泥封口安在磚上虛書八卦五行用炭三十斤煨之罐冷
取出每服一錢童便調下

愚按前方若被傷熾盛元氣虧損內有瘀血不勝踈導者用
前藥一服其血內化又不動臟腑甚妙甚妙

經驗方 治跌撲瘀血作痛或筋骨疼痛

黃栢一兩 半夏五錢

右爲末用薑汁調塗患處以紙貼之如乾薑汁潤之周日易

消毒定痛散 治跌撲腫痛

無名異炒 木耳炒 大黃煨各五分

右爲末蜜水調塗如內有瘀血砭去敷之若腐處更用當歸

膏敷之尤好

藥蛆方 治杖瘡潰爛生蛆用皂礬煨過爲末乾搽其內蛆卽

死如未應佐以柴胡梔子散以清肝火

洗藥 凡傷重者用此淋洗然後傳藥

荆芥

土當歸

生葱

切斷一方
甲生薑

右煎湯溫洗或止用葱一味煎洗亦可

黑龍散

治跌撲傷損筋骨碎斷先用前湯淋洗以紙攤若骨

折更以薄木片夾貼以小繩束三日再如前法勿去夾板恐

搖動患處至骨堅牢方宜去若被刀箭蟲傷成瘡並用薑汁

和水調貼口以風流散填塗

土當歸

二兩

丁香皮

六兩

百草霜

散血入
六兩

川山甲

六兩炒黃或煉存性

枇杷葉

去毛入半兩一
云山枇杷根

右焙為細末薑汁水調或研地黃汁調亦好

洪寶丹一名濟陰丹

治傷損焮痛并接斷

天花粉

三兩

薑黃

白芷

赤芍藥

各一兩

右為末茶湯調搽患處

治金傷出血不止用牛膽石灰搽之即止以臘月牛膽入風化

一石灰懸當風候乾用

又方金瘡出血不止以五倍子生為末乾貼如不止屬血熱宜

用犀角地黃湯之類大凡金瘡出血不止若素怯弱者當補

氣若素有熱當補血若因怒氣當平肝若煩熱作渴昏憤當

補脾氣若筋攣搐搦當養肝血不應用地黃丸以滋腎水

又方皮破筋斷者以百膠香塗之或以金沸草汁類塗自然

沒藥降聖丹 治傷損筋骨疼痛或不能屈伸肩背拘急身體

倦怠四肢無力

沒藥 別研

當歸 酒洗

白芍藥

骨碎補去毛

川烏去毛

臍泡

川芎

各一兩半

自然銅

火煨醋淬十二人研

為末水飛過焙一兩

用為細末每一兩作四丸以生薑自然汁與

煉蜜為丸每服一九搥碎用水酒各半鍾入蘓木少許煎至

八分去蘓木空心服 愚按脾主肉肝主筋若因肝脾二經

氣血虛弱或血虛有熱而不愈者當求其本而治之

兩金膏 治癰疽及墜撲傷損或筋骨疼痛

龍骨

鱉甲

苦參

烏賊魚骨

黃栢

黃芩

黃連

白芨

白歛

猪牙皂角

厚朴

草烏

川芎

當歸

木鱉子仁

白芷

各一兩

沒藥

另研

乳香

另研各一兩

槐枝

柳枝

各四寸長二十一條

黃丹

一斤半炒過淨

清油

四斤

右除乳沒黃丹外諸藥入油內煎至黑色去粗稱淨油每斤

入丹半斤不住手攪令黑色滴水中不粘手下乳沒再攪如

硬入油些少以不粘手為度

接骨散 治骨折碎或骨出髓先整端正却服此藥如飛禽六

畜所傷亦能治

鵬砂一錢五分

水粉

當歸各一錢

右為末每服二錢煎蘓木湯調服後但飲蘓木湯立效

本事接骨方 治打折傷損

接骨水

半兩即蒴藿也

乳香半兩

赤芍藥

當歸

川芎

自然銅各一兩

右為末用黃蠟四兩溶入前末攪勻衆手丸龍眼大如打傷

筋骨及閃痛不堪忍者用一丸熱酒浸開熱呷痛便止若大

段傷損先整骨用川烏草烏等分為末生薑汁調貼之挾定

服藥無不效者

愚按前三方俱效者備錄之以便修用

沒藥丸 治打撲筋骨疼痛或氣逆血暈或瘀血內停肚腹作

痛或胸膈脹悶

沒藥 乳香 川芎 川椒 芍藥 當歸

桃仁 血竭 各一兩 自然銅 四錢火煨七久

右為末用黃蠟四兩融化入前末速攪勻丸彈子大每服一丸酒化服

愚按接骨散沒藥丸元氣無虧者宜用若腎氣素怯或高年腎氣虛弱者必用地黃丸補中益氣湯以固其本為善

羌活防風湯 治破傷風邪初在表者急服此藥以解之稍遲

則邪入於裏與藥不相合矣

羌活 防風 甘草 川芎 藁本 當歸 芍藥 各四兩

辛二 卷之六 上世 卷之三 下 卷之六 上

地榆 細辛各二兩 用每服五錢水煎

防風湯 治破傷風表症未傳入裏急宜服之

防風 羌活 獨活 川芎 各等分

右每服五錢水煎調蜈蚣散服大效

蜈蚣散

蜈蚣 對一 鱈 三錢 用為細末用防風湯調下

羌活湯 治破傷風在半表半裏急服此湯稍緩邪入於裏用

羌活 菊花 麻黃 川芎 石膏 防風 前胡

黃芩 細辛 甘草 白茯苓 枳殼 蔓荊子 各一兩

薄荷 白芷 各五錢 用每服五錢水煎

地榆防風散 治風在半表半裏頭微汗身無汗不可發汗藥

治表裏

地榆

防風

地丁草

馬齒莧

各等分

右為細末每服三錢米湯調服

大芎黃湯 治風在裏宜踈導急服此湯

川芎

羌活

黃芩

大黃

各兩

右五七錢水煎溫服臟腑通利為度

白木防風湯 治服葶藥過多自汗者

白木

黃芪

各兩

防風

二兩

右每服五七錢水煎服臟腑和而自汗者可服若臟腑秘小

便赤者宜用大芎黃湯下之

白木湯 治破傷風汗不止筋攣搐搦

白木

葛根

升麻

黃芩

芍藥 各二兩

甘草

二錢五分

右每服五錢水煎無時服

本草綱目

五神豆合以復下案

三

卷之三

謙甫硃砂丸 治破傷風目證口噤不語手足搐搦項筋強直

不能轉側目不識人

白木硃砂研 半夏洗 川烏各一兩 雄黃五錢 鳳凰臺三錢

麝香一字 大用為末棗肉丸桐子大每服一丸或二丸冷

水下以吐為度如不吐加一丸或吐不在煎葱白湯止之汗出為效

左龍丸 治直視在裏者

左盤龍野鴿糞也 曰僵蠶 鰥炒各五錢 雄黃一錢

右為末燒飯丸桐子大每服十五丸溫酒下如裏症不已當

用前藥末一半加巴豆霜半錢燒飯丸桐子大每服加入一

丸如此漸加以利為度利後服和解藥

江鰥丸 治破傷風傳入裏症驚而發搐臟腑秘澀

江鰥剉炒半兩 野鴿糞炒半兩 雄黃一錢 白僵蠶半兩

蜈蚣對

天麻兩

用為末作三分二分燒飯丸桐子

大硃砂為衣一分入巴豆霜一錢亦用燒飯丸每服硃砂者

二十九入巴豆者一丸漸加至利為度後止服前丸

養血當歸地黃湯

當歸 地黃 芍藥 川芎 藁本 防風 白芷

各兩

細辛錢五 右依前煎服

廣利方 治破傷風發熱

瓜婁子錢九

滑石錢三

南星

蒼朮

赤芍藥

陳皮 炒栢

黃連

黃芩

白芷

甘草各五分

用薑水煎服

右二方用竹瀝瓜婁實輩治破傷風熱痰脉洪者前方用南

星半夏草烏川烏輩則治破傷風寒痰脉無力者

白丸子 治一切風痰壅盛手足頑麻或牙關緊急口眼歪斜

半身不遂等症

半夏 七兩 生用

南星 二兩 生用

川烏 夫皮臍生 用五錢

右為末用生薑汁調糊丸桐子大每服一二十九薑湯下

本事玉真散

治破傷風及打撲傷損項強口噤欲死 南星有 防風製

其毒不 麻人

天南星 湯泡 七次

防風 淨

用為末先以熱童子

小便洗淨瘡口拭乾搽之良久渾身作痒瘡口出赤水是效

又以溫酒調下一錢如牙關緊急腰背反張用藥二錢童子

小便調服至死心頭微溫者急灌之亦可救累效累驗

治打撲傷損腫痛傷風者

天南星

半夏

地龍 各等分

右為末用生薑薄荷汁調搽 忠處

口齒類要目錄

齙唇一

口瘡二

齒痛三

舌症四

喉痺五

喉間雜症六

諸骨稻穀髮鯁七

治諸鯁呪法八

誤吞水蛭九

諸蟲入耳十

蛇入七竅及蟲咬傷十一

男女體氣十二

附方并註

商... 商... 商...

柳... 柳...

入... 入...

香... 香...

骨... 骨...

知... 知...

南... 南...

商... 商...

商... 商...



商... 商...

商... 商...

知... 知...

商... 商...

商... 商...

商... 商...

口齒類要卷

薛氏醫按

吳郡薛 已著

新都吳玄有校

繭唇一

內經云脾氣開於口又云脾之榮在唇蓋燥則乾熱則裂風則
痲寒則揭若唇腫起白皮皺裂如吞繭名曰繭唇有唇腫重出
如繭者有本細末大如繭如瘤者或因七情動火傷血或因心
火傳授脾經或因厚味積熱傷脾大要審本症察兼症補脾氣
生脾血則燥自潤火自除風自息腫自消若患者忽略治者不
祭安用清熱消毒之藥或用藥線結去反為翻花敗症矣

治驗

州守劉克新患繭唇時出血水內熱口乾吐痰體瘦腎虛之症

悉具用濟陰地黃九年許而愈

一儒者因勞役感暑唇生瘡或用四物加黃柏知母之類而愈後復作彼仍用前藥益甚腹中陰冷余用補中益氣湯加茯苓半夏治之而愈

儒者楊國華因怒唇口兩耳腫痛寒熱余謂怒生熱熱生風用柴胡山梔散數劑而愈

一男子素善怒唇腫脹脈清胃等藥時出血水形體骨立余用補中益氣加半夏茯苓桔梗月餘唇腫漸消元氣漸復又以四物加柴胡炒梔丹皮升麻甘草數劑乃去梔加參朮而痊

一婦人懷抱久鬱或時胃口嘈辣胸膈不利月水不調而衰少日晡發熱食少體倦唇腫年餘矣余用歸脾湯加薑汁炒黃連山梔少佐吳茱萸嘈辣頓去飲食少進乃去黃連加貝母遠志

膈通利飲食如常又用加味道遙散歸脾湯間服百餘劑月
水調而唇方愈

婦人懷抱久鬱患齒唇雜用消食降火虛症悉具盜汗如雨
此氣血虛而有熱也用當歸六黃湯內黃芩連栢俱炒黑二劑
而盜汗頓止乃用歸脾湯八珍散兼服元氣漸復更以逍遙散
歸脾湯間服百餘劑而唇亦瘥

婦人唇裂內熱二年矣每作服寒涼之劑時出血水益增他
症余用加味清胃散而愈後因怒唇口腫脹寒熱而嘔用小柴
芎加山梔茯苓桔梗諸症頓愈復用加味道遙散而康

婦人善怒下唇微腫內熱體倦用化痰藥食少作嘔大便不
貝唇出血水用理氣消導胸膈痞滿頭目不清唇腫經閉用清
月行血肢體愈倦發熱煩燥涎水湧出余曰此七情損傷肝脾

誤行攻伐所致遂用濟生歸脾湯食進便實用加味道遙散腫
消熱退用補中益氣湯脾健涎止後因怒寒熱耳痛胸膈脹悶
辱燠腫甚此怒動肝火而傷陰血用四物合小柴胡加山梔頓
愈又因怒脇乳作脹肚腹作痛嘔吐酸涎飲食不入小水不利
此怒動肝木而尅脾土用補中益氣加川芎芍藥而愈又勞役
怒氣飲食失節發熱喘渴體倦不食下血如崩唇腫熾甚此肝
經有火不能藏血脾經氣虛不能攝血用補中益氣加炒黑山
梔芍藥丹皮而愈

一男子內熱作渴咳唾痰涎大便乾澀自喜壯實問治於余余
曰此脾腎陰虧陽旺之症當壯水之主不信自服二陳芩連之
類次年下唇漸腫小便赤澀執守前藥唇出血水大便黑塊小
便淋瀝請余往治余曰大便結黑小便淋瀝肝腎敗也唇口腫

曰脾氣敗也辭不赴竟歿

一婦人月經不調兩足發熱年餘後而身亦熱勞則足腿酸疼
又年餘唇腫裂痛又半年唇裂出血形體疲倦飲食無味月水
不通唇下腫如黑棗余曰此肝脾血虛火症彼不信用通經等藥而死
一婦人善怒唇腫或用消毒之藥唇腹出血年餘矣余曰須養
脾胃滋化源方可愈彼執用前藥狀如翻花瘤而死

口瘡二

口瘡上焦實熱中焦虛寒下焦陰火各經傳變所致當分別而
治之如發熱作渴飲冷實熱也輕則用補中益氣湯重則用六
君子湯飲食少思大便不實中氣虛也用人參理中湯手足逆
冷肚腹作痛中氣虛寒也用附子理中湯脯熱內熱不時而熱
血虛也用八物加丹皮五味麥門發熱作渴唾痰小便頻數腎

水虧也用加減八味丸食少便滑面黃肢冷火衰土虛也用八
味丸日晡發熱或從腹起陰虛也用四物參朮五味麥門不應
用加減八味丸若熱來復去晝見夜伏夜見晝伏不時而動或
無定處或從脚起乃無根之火也亦用前丸及十全大補加麥
門五味更以附子未唾津調搽湧泉穴若槩用寒涼損傷生氣
爲害匪輕

治驗

秋官趙君言口舌生瘡勞則體倦發熱惡寒之內傷氣血之症
用補中益氣加五味麥門而愈

進士劉華甫口舌生瘡午前熱甚脉數而有力用清心蓮子飲
稍愈更以四物二連湯全愈後因勞役日晡發熱脉數而無力
用四物加參朮柴胡少瘥但體倦口乾再用補中益氣湯而愈

武庫劉君口舌生瘡口乾飲湯乃胃氣虛而不能化生津液也
用七味白朮散而痊

延評曲汝爲口內如無皮狀或咽喉作痛喜熱飲食此中氣真
表而外虛熱也用加減八味丸而愈

備者費懷德發熱口舌狀如無皮用寒涼降火藥面赤發熱作
嘔少食痰涎自出此脾胃復傷虛寒而作也用附子埋中湯以
溫補脾胃用八味丸補命門火乃愈

一男子口糜爛脈數無力此血虛而有火用四物加茯苓白朮
少用黃栢知母治之而痊

地官李孟卿子新婚口舌糜爛日晡益甚用八珍湯加五味麥
門而口瘡愈更用加減八味丸而元氣實

一男子唇舌生瘡口苦作嘔小便淋瀝此肝脾火動以小柴胡

加山梔酸棗仁遠志麥門諸症漸愈但晡熱體倦用四物柴胡
山梔而愈又加白朮茯苓炙草而安

一儒者口苦而辣此肺肝火症先以小柴胡加山梔膽草茯苓
桑皮而漸愈更以六君加山梔芍藥而全瘥若口苦脇脹小便
淋瀝此亦肝經之病用六味丸以滋化源

一男子口臭牙齦赤爛腿膝痿軟或用黃柏等藥益甚時或口
鹹此腎經虛熱余用六味丸悉瘥

一婦人口苦脇脹用小柴胡山梔黃連少愈更以四君子加芍
藥當歸柴胡而瘥

一婦人每怒口苦發熱晡甚以小柴胡合四物二劑更以四物
加柴胡白朮茯苓丹皮而愈

一婦人每怒則口苦兼辣頭痛脇脹乳內刺痛此肝肺之火用

小柴胡加山梔青皮芎歸桑皮而安後勞兼怒口復苦經水頓至用四物加炒芩炒梔炒膽草一劑更以加味道遙散而康

齒痛三

齒者腎之標口者脾之竅諸經多有會於口者齒牙是也徐用誠先生云齒惡寒熱等症本手足陽明經其動搖脫落本足少陰經其蟲疳齲腫出血痛穢皆濕熱胃火或諸經錯雜之邪與外因爲患治法濕熱甚而痛者承氣湯下之輕者清胃散調之大腸熱而齲腫痛者清胃散治之重則調胃丸清之六鬱而痛者越鞠丸解之中氣虛而痛者補中益氣湯補之思慮傷脾而痛者歸脾湯調之腎經虛熱而痛者六味丸補之腎經虛寒而痛者還少丹補之重則八味丸主之其屬風熱者獨活散大寒犯腦者白芷散風寒入腦者羌活附子湯病症多端當臨症制

宜

治驗

宗伯毛三江胃經虛熱齒牙作痛用補中益氣加熟地丹皮茯苓芍藥尋愈

廷尉張中梁齒動或用清胃散肢體倦怠飲食少思牙齒作痛余曰此脾腎虧損用安腎丸補中益氣湯兼服外用羌活散而愈或牙根潰爛如喜寒惡熱者乃胃血傷也用清胃散若惡寒喜熱者胃氣傷也用補中益氣湯

楊考功齒動作渴屬脾胃虛弱陰火熾甚用補中益氣加酒炒黑黃柏四劑又服加減八味丸諸症頓愈又用補中益氣湯而全愈

王侍御齒搖齦露喜冷飲食此胃經濕熱先用承氣湯以退火

又用清胃散以調理而齒固繼用六味丸以補腎水羌活散以祛外邪而尋愈

王吏部患齒痛或用祛風等劑更加寒熱體倦懶食欲嘔彼以爲火盛余曰病因元氣不足前藥復傷遂用補中益氣加茯苓半夏元氣復而諸症愈

郭職方善飲齒痛腮頰炊腫此胃經濕熱用清胃散加乾葛荆防而愈

鄭吏部仲冬牙痛連腦此腎經風寒所犯用羌活附子湯一服卽愈此症不問冬夏腎虛者多患之急用此藥可瘳緩則不救朱工部午後有熱遇勞遺精其齒卽痛此脾腎虛熱先用補中益氣送六味丸更以十全大補湯而愈

完吏部齒根腫痛炊連頤頰此胃經風熱用犀角升麻湯卽愈

表兄顏僉憲牙痛右寸後半指脉洪而有力余曰此大腸積熱當用寒涼之劑自泥年高服補陰之藥呻吟徹夜余與同舟赴京煎涼膈散加荆防石膏與服一鍾卽愈

大尹余時正素善飲齒常浮痛腹痛作瀉此酒積傷脾食後用清胃散食前解醒湯而愈

膳部鍾復齋每勞心則齒縫脹而不能咀嚼此元氣虛弱先用補中益氣湯而痊更用十全大補湯雖勞不作

儒者柴濟美善飲牙蛀不生或時作痛用桃仁承氣湯二劑又以清胃散加山梔葛根外搽升麻散其牙復出

一男子晡熱內熱牙痛齦潰常取小蟲此足三陰虛火足陽明經濕熱先用桃仁承氣湯二劑又用六味地黃丸而愈

一男子患齒痛飲食難化大便不實此脾腎不足用還少丹而

愈

一男子每足發熱牙卽浮痛此足三陰虛火用加減八味丸而不復作

一男子齒浮作痛耳面黧色口乾作渴日晡則劇此脾虛弱也用補中益氣湯加減八味丸而愈

一婦人因怒齒痛寒熱作嘔用清胃等藥益甚此肝火傷胃寒藥復傷用六君子加芍藥柴胡山梔而愈

一婦人胃中嘈辣甚則熱痛後患齒痛此胃火生痰也用二陳加芩連下越鞠丸而瘳

一婦人發熱齒痛日晡益甚月水不調此脾經血虛所致用逍遙散加升麻尋愈後因怒復痛仍以前藥加川芎而痊

一婦人因怒牙痛寒熱用小柴胡加芎歸芩木山梔而疼痛止

用加味逍遙散而寒熱退

荆婦每產後齒根皆動必踰日乃止後復懷妊臨月時立齋翁
偶至言及此症留十全大補湯二劑令產後煎服齒不復動矣
果如言愚竒其神異敢綴數言附之卷末後有作者皆得觀法
焉則先生之德垂之永久矣後學吳江史羊生頓首謹書

貌云叔父芝巖先生齒根浮腫痛不可忍命貌求治於立翁先
生翁曰齒痛齟浮而不動屬於坤土乃足陽明脉所貫絡也因
胃有濕熱故爾用清胃散加山梔玄參進一服應手而瘥貌謹
記其梗槩以附醫錄將俾後之學醫者有所準則云嘉靖丁未
仲秋晚眷生郁貌頓首拜書

舌症四

經言舌乃心之苗此以竅言也以部分言之五臟皆有所屬以

証言之五臟皆有所主如口舌腫痛或狀如無皮或發熱作渴
爲中氣虛熱若眼如烟觸體倦少食或午後益甚爲陰血虛熱
若咽痛舌瘡口乾足熱日晡益甚爲腎經虛火若四肢逆冷惡
寒飲食或痰甚眼赤爲命門火衰若發熱作渴飲冷便閉爲腸
胃實火若發熱惡寒口乾喜湯食少體倦爲脾經虛熱若舌本
作強顛頰腫痛爲脾經濕熱若痰盛作渴口舌腫痛爲上焦有
熱若思慮過度口舌生瘡咽喉不利爲脾經血傷火動若恚怒
過度寒熱口苦而舌腫痛爲肝經血傷火動病因多端當臨時
制宜凡舌腫脹甚宜先刺舌尖或舌上或邊傍出血泄毒以救
其急惟舌下濂泉穴此屬腎經雖宜出血亦當禁針慎之

治驗

工部徐檢齋口舌生瘡喜冷飲食或咽喉作痛大便秘結此實

熱也用清涼飲治之而愈

仲侍御多思慮舌作痛用苦寒降火藥發熱便血盜汗口乾肢體日瘦此脾氣虧損血虛之症用加味歸脾湯而愈

一男子不慎酒色冬喜飲冷舌常作痛小便頻數舌裂痰盛此腎水枯涸陰火無制名下消用加減八味丸而愈若寸脈洪數有力多飲少食大便如常口舌生瘡大渴引飲者名上消是心移熱於肺用白虎湯加人參治之若關脈洪數有力喜飲冷小便黃大便硬而自汗者名中消調胃承氣湯下之

學士吳北川過飲舌本強痛言語不清痰氣湧盛肢體不遂余作脾經濕痰治之而愈

秋官鄭過飲舌本強腫言語不清此脾虛濕熱用補中益氣加神麩麥芽乾葛澤瀉而愈

膏梁之人患舌痛敷服皆消毒之藥舌腫勢急余刺舌尖及
兩傍出紫血杯許腫消一二更服犀角地黃湯一劑翌早復腫
版仍刺出紫血杯許亦消一二仍服前湯良久舌大腫又刺出
赤血二杯許腫漸消忽寒熱作嘔頭痛作暈脉洪浮而數此邪
雖去而真氣愈傷與補中益氣倍用參芪歸木四劑而安又數
劑而愈

婦人善怒舌痛煩熱用降火化痰等藥前症益甚兩脇作脹
脈流氣飲肚腹亦脹經行不止此肝虛不能藏血脾虛不能統
血用加味歸脾加麥門五味而愈若因暴怒而患前症用小柴
胡加丹皮山梔血虛者用八珍加參朮柴胡山梔丹皮虛甚須
加炮薑

一男子舌下牽強手大指次指不仁或大便秘結或皮膚赤暈

此大腸血虛風熱用逍遙散加槐角秦艽而愈

一婦人冬患腦疽腫痛熱渴脉洪數實余用清熱消毒散潰之而愈次年三月其舌腫大遍身患紫疔如葡萄不計其數手足尤多各刺出黑血服奪命丹七粒出臭汗瘡熱益甚便秘二日與大黃芩連各三錢升麻白芷山梔薄荷連翹各二錢生草一錢水煎三五沸服大小便出臭血甚多下體稍退乃磨入犀角汁再服舌本及齒縫出臭血諸毒乃消更與犀角地黃湯而愈一婦人善怒舌本強手臂麻木曰舌本屬脾土肝木剋之故耳治以六君子加柴胡芍藥而愈

先兄口舌糜爛痰涎上壅飲食如常遇大風欲仆地用補中益氣湯及八味丸卽愈間藥數日仍作每勞苦則痰盛目赤漱以冷水舌稍愈頃間舌益甚用附子片噙之卽愈服前三藥諸症

痿

喉痺諸症五

喉痺謂喉中呼吸不通語言不出而天氣閉塞也咽痛噤痛者咽喉不能納唾與食而地氣閉塞也喉痺咽噤痛者謂咽喉閉病天地之氣皆閉塞也當辨內外表裏虛實而治之若鄉村加患相同者屬天行運氣之邪治法當先表散大忌酸藥搽點藥下之恐鬱其邪於內而不得出也其病有二

六一屬火經云少陽所至爲喉痺又云少陽同天之政三之氣次暑至民病喉痺用仲景桔梗湯或面赤斑者屬陽毒用陽毒誦方汗之可也

六二屬陰濕經云大陰之勝火氣內鬱成喉痺又云太陰在泉濕淫所勝病噤腫喉痺用活人半夏桂枝甘草湯或面青黑者

屬陰毒用陰毒法可汗之

蕭山先生云喉痺不惡寒及寸脉大滑實於關尺者皆屬下症宜硝石青黛等寒藥降之或膽礬等酸劑收之韓祗和先生云寸脉大於關尺者宜消陽助陰東垣先生云兩寸脉實爲陽盛陰虛下之則愈故予遵此法以治前症如鼓應桴也

陳無擇治喉痺不語用小續命加杏仁七個煎服甚効本草治中氣急喉痺欲死白殭蚕爲末薑汁調下立愈丹溪云殭蚕屬火而有土與水得金氣而成治喉痺者取其火中清化之氣以從治相火散濁逆結滯之痰

陳藏器每治臍寒咽閉吞吐不利用附子去皮臍炮裂以蜜塗炙蜜入內含之勿嚥云云

孫押班治都知潘元從喉閉孫以藥半錢吹入喉中少頃吐出

膿血立愈潘詣孫謝曰大急之患非明公不能救救人之急非藥不能療贈金百兩願求方以濟非常之急孫曰用猪牙皂角曰礬黃連各等分置新瓦上焙乾爲末既授以方不受所贈

謙甫云戊辰春鄉村病喉痺者甚衆蓋前年終之氣及當年初之氣二火之邪也用甘桔湯加芩連半夏殭蚕鼠粘子葛根等劑發之虛加參芪當歸之類水漿不入先用解毒雄黃丸醋化灌之痰出更灌薑汁服前藥無不神驗若用胆礬酸寒點過者百不治蓋邪鬱不出故也已上治法內經秘旨救生之良法故錄之見醫學綱目

治驗

延評張汝翰患喉痛目睛益甚此氣血虛而有熱用八珍湯而愈後每入房發熱頭痛用補中益氣加麥門五味及六味丸常

服後不復作

秋官葉

素陰虛因怒急喉腫寒熱頭痛項強目直小便自

出此皆肝火之症肝主筋膜火主腫脹火旺則血涸筋攣自係
緊急頸項如拔陰挺痿痺則小便自遺遂刺患處出毒血用四
物柴胡山梔玄參甘草而甦再用六味丸料以生肝血滋腎水
諸症悉愈

太守葉

咽喉腫痛痰涎不利手足發熱喜冷飲食用清咽

利膈湯二劑不應刺少商穴喉少寬痰從鼻出如膠息處出紫
血稍寬至七日咳出穢膿而愈

一儒者三場畢忽咽喉腫閉不省人事喘促痰湧汗出如水肢
體痿軟脉浮大而數此飲食勞役無根虛火上炎用補中益氣
加肉桂一劑頓甦

義士顧克明咽喉作痛至夜發熱此肝腎陰虛之熱用四物加酒炒黑黃柏知母麥門五味治之而愈後因勞咽喉腫閉刺患處出血用桔梗湯吐痰而消至仲夏乾咳聲嘶作渴發熱日晡足熱用滋腎丸加減入味丸間服三月餘嘉其年富謹疾得愈

喉痛六

附乳蛾懸癰楊梅瘡

丹溪先生云咽喉痛屬血虛用四物加竹瀝陰虛火上炎者必用玄參氣虛加人參竹瀝又云咽喉腫痛有陰虛陽氣飛越痰結在上者脉必浮大重取必澁去死爲近宜人參一味濃煎細細飲之如作實症治之禍在反掌此發前人未發救無窮之天枉余更以上焦風熱積熱及膀胱陰虛等症一二于後

治驗

迴府李朝用咽喉腫痛口舌生瘡此上焦風熱先用荆防敗毒

散二劑喉痛漸愈又以玄參升麻湯口舌遂愈

地官黃芩盤喉痛作渴飲冷大便不通此上下表裏實熱用防風通聖散治之頓愈

地官胡誠甫咽喉燥痛此腎經膀胱虛熱用四物加黃栢知母玄參四劑少愈更以人參固本丸一劑不復發

職方盧抑齋咽喉腫痛兩目矇昧小便赤澀此膀胱濕熱用四苓散加黃栢黃連知母茵陳防已治之而頓愈又用六味地黃丸而痊

儒者王文遠咽喉腫痛口舌生瘡勞則愈甚余爲脾肺氣虛膀胱有熱以補中益氣加玄參酒炒黑黃栢知母稍愈乃去黃栢知母加山茱山藥乃痊

一儒者年踰五十咽喉痛服涼藥或過勞痛愈甚此中氣虛熱

以補中益氣加炒黑芩連四劑而愈乃去芩連又數劑全愈
一儒者脚發熱則咽喉作痛內熱口乾痰涎上湧此腎經虧損
火不歸經用補中益氣加麥門五味及加減八味丸而全愈
一老人咽喉痛小便數而赤日晡尤甚此膀胱陰虛當滋化源
以補中益氣加酒炒黑黃柏知母二味四劑咽痛稍可乃去二
味加以山茱山藥麥門五味頓愈

一男子咽喉腫痛藥不能下針患處出紫血少愈以破棺丹噙
化更用清咽利膈散而愈

一男子素善飲咽喉作痛內熱作渴小便不利飲食如常此膀胱
積熱用四苓散加茵陳大黃四劑諸症漸退又用清心蓮子
飲而安

一星士勞而入房喉痛漸閉痰涎上湧四肢乍熱此陰虛陽氣

飛揚用補中益氣加附子煎灌而愈

憲副姜時川癸卯冬就診於予右寸浮數有力口中有瘡余曰此胃火傳於肺也當薄滋味慎起居甲辰秋復就診尺脉洪數而無力余曰此肺金不能生腎水宜靜養以滋化源彼云今喉間及耳內不時燥痛肢體不時發熱若無根之火殞無疑矣後謂劉古峽云立齋謂我之病可疑至乙巳孟春古峽謂余曰姜公之病已如尊料遂同余往視喉果腫潰脉愈洪大或用瀉火之藥反速其歿

雲間吳上舍年踰五十咽喉腫痛或針出血神思雖清尺脉洪數而無倫次按之微細如無余曰有形而無痛陽之類也當峻補其陰今反傷陰血必死已而果歿蓋此症乃腎氣虧損無根之火炎上爲患惟加減八味九料煎服使火歸源庶幾可救

府庠歸雲橋之內產後患喉痛服清熱等劑益甚余診之屬膀胱經血虛也蓋膀胱之內脉上行至頸而還用八珍湯加牡丹皮柴胡酒炒黑黃柏二劑而愈

嘉靖辛丑仲秋大方憑几執筆就書咽喉間偶有痰涎遂左顧吐之以未及合而頸骨如摧莫能轉視至夜增劇潛發盜汗手足麻冷臥起必藉人扶持稍動則痛連心腹苦楚萬狀不可勝數如是者三四日得立齋先生視之曰此怒動肝火膽得火而筋攣縮以六味地黃丸料加山梔柴胡以清肝火生膽血一劑未竟日而談笑舉動一一如常矣接見賓從俱以爲前日之病者固也先生之神妙類多若此惜乎不肖疎怠蹇拙不能盡述姑以其親試者筆之以爲明驗耳吳門晚學生沈大方履又再頓首謹書

一婦人喉間作痛兩月後而潰遍身筋骨作痛余以爲楊梅瘡
毒先以草薺湯數劑而平更以四物加草薺黃芪二十劑諸症
悉退

一彌月小兒口內患之後延遍身年餘不愈以草薺爲末乳汁
調服母以白湯調服月餘而愈餘見保嬰粹要
一男子先患喉痛後發楊梅瘡用輕粉等劑愈而復發仍服前
藥後又大發上腭潰爛與鼻相通臂腕數顆其狀如桃大潰年
餘不斂虛症悉見余以草薺湯爲主兼以健脾之劑月餘而安
餘見外科樞要

諸骨稻穀髮鯁七

治諸骨鯁用苧麻根杵爛丸彈子大將所鯁物煎湯化下
一方魚骨鯁用細茶五倍子等分爲末吹入咽喉立愈

方以犬弔一足取其涎徐徐嚥之卽消

大方白萼花根搗爛取汁徐徐嚥之不可着牙

加稻苳糠穀鯁喉將鵝弔一足取涎徐徐嚥下卽消

加吞釘鉄金銀銅錢等物但多食肥羊脂諸般肥肉等味便大便而下

方吞錢燒炭末白湯調服數匙卽出口或服蜜升許或食

次茹其錢自化

加吞髮繞喉不出取自亂髮作灰白湯調服一錢

加吞鉄或針用餒糖半斤濃煎艾汁調和服之

一方磁石磨如棗核大鑽眼以線穿令吞喉間針自引出或吞

踐金銀銅鉄磁石須陰陽家用驗者

治諸顛咒法八

子和云大凡魚骨麥苳一切竹木刺鯁于喉間及髮絆不能下
用道藏經中一咒法取東方無根水一碗先以左手結三台印
將水置印上後將右手持一劍訣於水上虛書一龍字密咒九
遍

咒曰吾從東方來路傍一池水水裡一條龍九頭十八尾問君
治何物專用此間水述誦九遍患者飲之即愈

誤吞水蛭丸

治誤吞水蛭食蜜即愈試以活蛭投蜜中即化為水屢驗一書
云井中生蛭以白馬骨投之即無試之亦驗夫蛭即螞蝗也雖
死為末見水復活人吞之為害不小治以前法無不愈者

諸蟲入耳十

治百蟲入耳用藍汁灌之或葱汁尤良或猪肉少許炙香置耳

孔邊亦出或用細蘆管入耳內口吸之蟲隨出

蛇蚰入耳以塩少許搽耳內卽化爲水

蜈蚣入耳以雞肉置耳邊自出凡蟲毒入腹作脹飲好酪二升
可蟲化爲水而毒亦消矣

蛇入七竅及蟲咬傷十一

凡蛇入七竅劈開蛇尾納川椒數粒以紙封之其蛇自出更煎
小參湯飲之或飲酒食蒜以解內毒如被蛇咬食蒜飲酒更用
小杵爛塗患處加艾於蒜上炙之其毒自解凡毒蟲傷並効

男女體氣十二

取腋氣五更時用精猪肉二大片以甘遂末一兩拌之挾腋下
二天明以生甘草一兩煎湯飲之良久瀉出穢物須在荒野之
處則可恐穢氣傳人故也依法三五次卽愈虛弱者間日爲之

其他密陀僧胡粉之類皆塞竅以治其末耳

附方并註

精胃散 治胃火血燥唇裂或為繭唇或牙齦潰爛作痛

黃連

炒

生地黃

升麻

各一錢

牡丹皮

八分

當歸

二錢

右水煎服

加味清胃散即前散加芍芎柴胡治脾胃肝膽經熱

柴胡清肝散 治肝經怒火風熱傳脾唇腫裂或患繭唇

柴胡

黃芩

炒各一錢

黃連

炒

山梔

炒各七分

當歸

一錢

川芎

六分

生地黃

一錢

升麻

八分

牡丹皮

一錢

甘草

三分

右水煎服若脾胃弱去芎連加白朮茯苓

濟陰地黃丸

治陰虛火燥唇裂如繭

五味子

熟地黃

白製

麥門冬

當歸

肉苁蓉

山茱萸去核 乾山藥

枸杞子

甘州菊花

巴戟肉各等分

右為末煉蜜丸桐子大每服七八十九空心食前白湯送下

歸脾湯

一名濟生歸脾湯

治思慮傷脾血耗唇皺及氣鬱生瘡咽喉不

利發熱便血盜汗晡熱等症

木香

甘草各三人分

白朮

茯苓

黃芪炒

當歸

龍眼肉 遠志

酸棗仁

炒各一錢

右水煎服

加味歸脾湯

即前方加柴胡丹皮山梔治思慮動脾火元氣

損傷體倦發熱飲食不思失血牙疼等症

補中益氣湯

治中氣傷損唇口生瘡或齒牙作痛惡寒發熱

肢體倦怠食少自汗或頭痛身熱煩躁作渴氣喘脉大而虛

或微細軟弱

人參

黃芪

甘草各一錢半

白朮

當歸

橘紅各一錢

柴胡

升麻各五分

右薑棗水煎服

羌活散

治風熱傳脾唇口潤皺或頭痛目眩或四肢浮腫如

風狀

羌活

茯苓

薏苡仁各等分

右每服三五錢水煎入竹瀝一匙服

人參理中湯

治口舌生瘡飲食少思大便不實或畏寒惡熱

作嘔腹痛此中氣不足虛火炎上

人參

白朮

乾薑炮

甘草各等分

右每服五七錢或一兩水煎服

附子理中湯

治症同上但四肢逆冷或嘔吐泄瀉

茯苓

白芍藥各二錢

附子

人參各二錢

白木目錢

右水煎服

杏砂六君子湯

治口舌生瘡服涼藥過多以致食少作嘔或

中氣虛熱所致

人參

白木

茯苓

半夏

陳皮各一錢

藿香八分

甘草炒六分

宿砂仁炒八分

右薑水煎

人參安胃散

治胃經虛熱口舌生瘡喜熱飲食

人參

白茯苓各一錢

黃芩二錢

甘草炙

陳皮各五分

黃連三分

芍藥七分

右水煎服

七味白朮散

治虛熱口舌生瘡不喜飲冷吐瀉口乾

人參

白朮

木香

白茯苓

甘草 炙

藿香 各五分

乾葛 一錢

右水煎服

四君子湯

治口舌生瘡脾胃虛弱飲食少思肚腹不利

人參

白朮

茯苓 各一錢

甘草 炙五分

右薑棗水煎服

六君子湯

治胃氣虛熱口舌生瘡或寒涼尅伐食少吐瀉

人參

白朮

茯苓 各一錢半

陳皮

半夏

甘草 各一錢

右薑棗水煎服

二陳湯

治脾胃虛弱口舌生瘡或中脘停痰嘔吐

惡心飲食少思等症

陳皮

茯苓

半夏 各一錢半

甘草 炙五分

右薑棗水煎服

芎花解醒湯 治酒積口舌生瘡或嘔吐泄瀉

白荳蔻

宿砂仁

葛花各五分

木香二分

青皮二分

陳皮

茯苓

猪苓

人參

白朮

神麩炒

澤瀉

乾薑各三分

右水煎服得微汗酒病去矣

龍膽瀉肝湯 治口苦或生瘡

柴胡一錢

黃芩七分

甘草

人參

天門冬去心

龍膽草

酒拌炒焦黃連炒

山梔炒

麥門冬

知母各五分

五味子三分

右水煎服

小柴胡湯 治肝膽經風熱侮脾土唇口腫痛或寒熱往來或

原书缺页

原书缺页

桂枝二分

羌活八分

右另為末和勻搽之

東垣牢牙散 治牙齦露肉牙疳腫痛或牙齒動搖欲落或牙

齒不長牙黃口臭

升麻四分

羌活

地骨皮

各一兩

膽草

一兩半 酒浸

右為末以溫水漱口每用少許擦之

獨活散 治風毒牙痛或牙齦腫痛

獨活

羌活

川芎

防風

各五分

細辛

生地黄

荆芥

薄荷

各二錢

右每服三五錢水煎嗽嚥

謙甫加減瀉白散 治膏粱醇酒勞心過度肺氣有傷以致氣

出腥臭涕唾稠粘咽隘不利口苦乾燥

桑白皮錢

地骨皮

片黃芩

甘草各錢

知母七分

五味子十粒

麥門冬五分

桔梗一錢

右薑棗水煎服

犀角升麻湯

治陽明經風熱牙疼或唇頰腫痛

犀角鎊

升麻

防風

羌活各一錢

白附子五分

川芎

白芷

黃芩各七分

甘草三分

右水煎熟入犀末服

玄參升麻湯

治心脾壅熱口舌生瘡或木舌重舌或兩頰腫痛

痛

玄參

赤芍藥

升麻

犀角鎊

桔梗

管仲

黃芩炒各一錢

甘草五分

右水煎服

三黃丸 治實熱口舌生瘡作渴喜冷或齒齲腫痛等症

黃芩

黃連

黃柏 各等分

右為末水糊丸桐子大每服七八十九白湯下

安腎丸 治腎虛牙痛腰疼

補骨脂 炒

川練子肉 炒

葫蘆芭 炒

茴香 炒

續斷 炒各二兩

桃仁

杏仁 炒

山藥

茯苓 各二兩

右為末蜜丸桐子大每服五十九空心薑湯下

八味丸 治腎氣虛寒牙齒作痛面色黧黑精神憔悴脚膝無力飲食少思或痰氣上升小便頻數齒不堅固或口舌糜爛

畏飲冷水即後方每料加肉桂附子各一兩

六味丸

加五味肉桂各一兩名加減八味丸

治腎經虛熱齒不固密或作疼痛或

發熱渴淋痰氣壅嗽頭暈眼花咽躁唇裂腰腿痿軟自汗盜

汗便血諸血失瘡水泛為痰之聖藥血虛發熱之神劑

熟地黃

八兩
作膏

山茱萸肉

乾山藥

各四兩

牡丹皮

澤瀉

各三兩

茯苓

四兩

右為末入地黃煉蜜丸桐子大每服七八十九空心食前滾

湯下地黃須自製

滋腎丸

治腎經陰虛齒痛或蘇蝕色黑日晡發熱脚膝無力

小便不利肚腹脹滿

詳見內科摘要

知母

黃栢

各酒炒
二兩

肉桂

二錢

右為末水丸桐子大每服二百丸空心白滾湯下

清心蓮子飲

治口舌生瘡煩燥作渴小便赤澀口乾便濁夜

間安靜晝則舉發此熱在血分

黃芩

石蓮

茯苓

黃芪炒

柴胡

人參 各一錢

麥門冬

地骨皮

車前子 炒

甘草 各二錢半

右水煎服

還少丹

治脾腎虛弱齒牙作痛或不堅固又補虛損生肌體

進飲食之聖藥

肉蓯蓉

遠志 去心

茴香

巴戟 去心

乾山藥

枸杞子

熟地黃

石菖蒲

山茱萸 去核

杜仲 去皮 薑製

牛膝

楮實子 炒

五味子

白茯苓 各等分

右為末棗肉并蜜丸桐子大每服七十丸溫酒日三服

羌活附子湯

治冬月大寒犯腦令人腦齒連痛名曰腦風為

害甚速非此莫能救

麻黃 去節

黑附子 炮各三分

羌活

蒼朮 各五分

黃芪 一分

防風

甘草

升麻

白僵蚕 炒去絲

黃栢

白芷 各二

佛耳草 有寒嗽者用之如無不用

右水煎服

十全大補湯

治氣血俱虛牙齒腫痛或口舌生瘡或惡寒發

熱自汗盜汗食少體倦或寒熱作渴頭痛眩暈或似中風之

症

白茯苓

人參

當歸

白朮

黃芪

川芎

熟地黃

生者自製

白芍藥

炒

甘草

各一錢

肉桂

五分

右薑棗水煎服

八珍湯

治氣血俱虛口舌生瘡或齒齦腫潰惡寒發熱或煩

躁作渴胸脇作脹或便血吐血盜汗自汗等症

人參

白朮

白茯苓

當歸

川芎

白芍藥

熟地黃

各一錢

甘草

各五分

右薑棗水煎服

越鞠丸 治六鬱牙齒痛口瘡或胸滿吐酸飲食少思

蒼朮

炒

神麴

炒

香附子

山查

山梔

炒

撫芎

麥芽

炒各等分

右為末水調神麴糊丸桐子大每服五七十九滾湯下

四物湯

加牡丹皮柴胡山梔名加味四物湯

治血虛發熱口舌生瘡或牙齦腫潰

或曰晡發熱煩躁不安或因怒而致

當歸

熟地黃

各三錢

芍藥

川芎

各二錢

右水煎服

當歸補血湯

治口舌生瘡血氣俱虛熱渴引飲目赤面紅其

脈洪大而虛重按全無

黃芪

炙一兩

當歸

酒製二錢

右水煎服

元戎四物二連湯 治血虛發熱口舌生瘡或晝寒夜熱

當歸 生地黃 白芍藥 川芎 黃連 胡黃連 各一錢

右水煎服

犀角地黃湯 治火盛血妄行或吐衄或下血

犀角 銹 生地黃 白芍藥 黃芩 牡丹皮

黃連 各一錢

右水煎熟入犀末服若因怒而患加柴胡山梔

當歸六黃湯 治陰虛內熱盜汗

當歸 熟地黃 自製 生地黃 黃芪 炒 黃連 炒黑

黃芩 炒黑 黃栢 炒黑各一錢

右水煎服

逍遙散 治血虛有熱口舌生瘡或口燥咽乾發熱盜汗食少

嗜臥

甘草 炙 當歸 芍藥 茯苓 白朮 柴胡 各一錢

右水煎服

加味逍遙散 治肝脾有火血虛即前方加山梔丹皮

謙甫解毒雄黃丸 治纏喉風腫閉或卒倒死牙關緊急

雄黃 一錢

鬱金 一分

巴菝 十四粒 去油皮

右為末醋糊丸菝菝大用熱茶送下七丸吐頑痰立甦未吐再服若死而心頭猶熱灌下更生

謙甫龍麝聚聖丹 治心脾客熱咽喉腫痛或成癰不消或舌

木腫脹口舌生瘡

川芎 一兩

生地黃

犀角 鎊

羚羊角

琥珀

玄參

連翹各五 人參 赤茯苓 馬牙硝 片腦 麝香各三

硃砂 牛黃各二 枯梗 升麻 鉛白霜各五

南礪砂一兩 金箔五十

右為末蜜丸龍眼大金箔為衣薄荷湯化下或噙嚥之

萃桔梗湯 治熱腫喉痺

桔梗 甘草 連翹 山梔 薄荷 黃芩各一

右入竹葉水煎服

恐擇玉屑無憂散 治喉風痰壅或口舌生瘡或骨鯁不下

玄參 管仲 滑石 宿砂仁 黃連

甘草 茯苓 山荳根 荆芥穗各五 寒水石煨

礪砂各三

右為末每服一錢清水調下此藥又去邪辟瘟止渴

柑桔湯 治咽喉腫痛

甘草 六錢

苦梗 三錢

右水煎服

白虎湯 治胃熱作渴暑熱尤効

知母

石膏 各二錢

粳米 半合

右水煎服

調胃承氣湯 治中熱大便不通咽喉腫痛或口舌生瘡

大黃 一兩

甘草 一錢五分

芒硝 四錢五分

右每服五七錢水煎

桃仁承氣湯

加當歸一錢名當歸承氣湯

治瘀血停滯腹內作痛或發熱發

狂大便秘結

桃仁 五十粒去皮尖研

桂枝

芒硝

甘草 炙各一錢

大黃 二錢

右水煎空心服

清熱補氣湯

治中氣虛熱口舌如無皮狀或發熱作渴

人參

白朮

茯苓

當歸

芍藥

升麻

五味子

麥門冬

玄參

甘草

右水煎服如不應加炮薑更不應加附子

清熱補血湯

治口舌生瘡體倦少食日晡益甚或目澁熱痛

熟地黃

酒拌一錢

黃栢

知母

五味子

麥門冬

當歸

酒拌

川芎

芍藥

玄參

柴胡

牡丹皮

各五分

右水煎服如不應用補中益氣湯加五味治之

清熱化痰湯

治上焦有熱痰盛作渴口舌腫痛

貝母

天花粉

枳實

桔梗

黃芩

黃連各一分 玄參

升麻各七分

甘草五分

右水煎服

升麻柴胡湯

柴胡

芍藥

山梔子

升麻

木通各一分

黃芩

大青

杏仁各五錢

石膏

右每服四五錢水煎

涼膈散 治實熱口舌生瘡牙齒作痛或喉舌腫痛便溺秘赤

或狂言妄語大便秘結

大黃

朴硝

甘草各一兩

連翹四兩

山梔

黃芩

薄荷葉各一兩

右為末每服五七錢水煎服如未應當加之

防風通聖散 治風熱熾盛口舌生瘡大便秘結或發熱煩躁

瘡毒作痒等症

防風

當歸

川芎

芍藥

大黃

芒硝

連翹

薄荷

麻黃

桔梗

石膏

黃芩

各一兩

白朮

山梔子

荆芥

各二錢半

甘草

一兩

滑石 三兩

右每服五七錢水煎或為末白湯調下

清咽利膈湯

治積熱咽喉腫痛痰涎壅盛煩躁飲冷大便秘

結

金銀花

防風

荆芥

薄荷

桔梗

炒

黃芩 炒

黃連

炒各一錢五分

山梔子

炒

連翹

各一錢

玄參

大黃

煨

朴硝

牛蒡子

研

甘草

各七分

右水煎服

金鑰匙 治喉閉喉風痰涎壅塞

焰硝 一兩五錢

白殭蚕 一錢

硼砂 五錢

腦子 一字

雄黃 二錢

右各為末以竹管吹患處痰涎即出如痰雖出咽喉不利急

針患處以去惡血

潤喉散 治氣鬱咽喉閉塞

桔梗 一兩五錢

粉草 四錢

草紫荷車 四錢

香附 三錢

百藥煎 一錢五分

右為末敷口內

又方薄荷葉蓬砂各五錢冰片一錢為末吹患處甚効

破棺丹 一名通關散 治咽喉腫痛水穀不下

青鹽

白礬

硼砂 各等分

右為末吹患處有痰吐出

小續命湯 治陰毒痰痺

麻黃五分

防風

芍藥

白朮

人參

川芎

附子生

防已

黃芩各二分

桂枝

甘草各五分

右水煎服

仲景半夏湯

治傷寒喉中生瘡不能發聲

半夏

桂枝

甘草

右每服七八錢水煎候冷細嚥之

革薺散

一名換肌消毒散

治楊梅瘡不拘初起潰爛或發於舌間喉間

並效

革薺

一名土茯苓又名冷飯團五錢

當歸

白芷

皂角刺

薏苡仁

各二錢

白蘚皮

木瓜

不犯鐵器

木通

金銀花

各七分

甘草

五分

本草綱目卷之七 治陰毒痰痺 小續命湯 仲景半夏湯 革薺散 並效 革薺 薏苡仁 白蘚皮 木瓜 木通 金銀花 甘草

右水煎服

清咽清毒散 治咽喉瘡腫痰涎壅盛或口舌生瘡大便秘結

即荆防敗毒散加芩連硝黃

人參固本丸 治肺氣燥熱小便短赤或肺氣虛熱小便瀦滯

如淋此治虛而有火之聖藥也

生地黄

酒并

熟地黄

用生者酒并
銅器蒸半日

天門冬去心

麥門冬

去心各
一兩

人參五錢

右除人參為末餘藥搗膏加煉蜜少許凡桐子大每服五十

九空心鹽湯或溫酒下中寒人不可服

刺少商穴法 穴在手大指內側去爪甲針如韭葉刺入二分

許以手自臂勒至刺處出血即消若膿成者必須針患處否

則不治

義烏朱用中

終